



TOP-UP & WIN YOUR DREAM CAR

Worth of K25,000 every month

TELKOM PNG
Always Here!

347 Customer Care: Call 345 6789 or www.telkompng.com.pg

Task Fos Sweep ken kisim bek K500m long stilmani

Aja Alex Potabe i raitim

INVESTIGESAN Task Fos Sweep (ITFS) i bin mekim gutpela wok stret long kisim bek moa long K500 milian pablik mani ol manmeri i bin stilim.

ITFS i kisim bek pinis K52 milian pablik mani, we em i bin lus long han bilong ol korapsen lain, na long nara-

pela 6-pela mun, ol i gat bikpela bilip olsem ol i ken kisim bek moa long K100 milian pablik mani.

ITFS i daunim level bilong korapsen long PNG bi-hain long ol bin holim moa long 100 manmeri husat i save bagarapim dispela kantri wantaim pasin korapsen, na stilim ol mani bilong pipel bilong dispela kantri.

Las wik, Siaman bilong ITFS, Sam Koim, i bin kamautim laspela ripot bilong ol wok painimaut ITFS i bin mekim i go insait long painimaut olsem wanem ol gavman mani bilong Nesenel Plening na Monitaring, Helt Dipatmen, na ol arapela dipatmen o gavman ejensi i save yusim aninit long Pablik Fainsens (Menesmen) Act.

Koim i bin givim dispela ripot long Praisim Minista, Peter O'Neill, husat i bin amamas stret, long makim maus bilong gavman na kisim i go dispela ripot long NEC bai mekim ol arapela toktok long larim dispela gutpela wok i go het wantaim halivim bilong gavman long kamapim wampela loa long larim ITFS i stap strong moa yet olsem wampela

gavman ejensi long daunim pasin korapsen.

O'Neill i tok amamas na tenkyu long Koim wantaim tim bilong en long stretim ol asua ol bikpela manmeri long gavman dipatmen na ejensi i bin kamapim long stilim mani bilong pipel, we ol dispela mani inap long kirapim dispela kantri.

I go moa long pes 3

KLOSTU NAU!

Yu enrol tu?

Laspela de tumora

Enrol NAU!!

2012 VOTE LPV

Enrol NAU!!

Task Fos i givim las ripot

- Pasin korapsen bagarapim gavman pinis
- Ol man nogut daunim sistem
- Wok bai go het yet
- Gavman mas sapo tim

ILEKSEN NIUS:

- Somare tingting long sanap gen
- 7,300 polisman bai wok sekyuriti
- Palamen pinisim sindaun



SWEEP SIAMAN: Sam Koim, husat i givim laspela ripot long Praisim Minista O'Neill, i tok politikal tingting long paitim korapsen i mas strong yet

BRINGIM I KAM BOOMER

Soel network nao lo ogeta Digicel fon, ogeta baim, ogeta hap

Yu laik toktok wantaim ogeta wantok o fausen manmeri? Kamap Boomer

Joanin Boomer komand! na Boomer, id fotowas bilong yu wantaim 5MB to ogeta Digicel fon

Kamap Kul, Kamap Boomer, Texim JOIN to 8003 nao!

Digicel

HEINZ

GOLDEN MARK SOY SOS

I kam long tupela gutpela teis!

Mushroom Dark Sos na Superior Dark Sos

Kaikai bai teis Swit tru!

TELE Apdeit

Citifon EasiPay TopAp
Baim EasiPay wantaim Citifon bilong yu

Citifon nau i givim EasiPay TopAp Sevis wantaim Benk Saut Pasifik (BSP). Long yusim dispela nupela sevis, kisim wanpela Mobail Benking Ap-likesen fom long Telikom Bisnis Opis o BSP brens klostu long yu long rejista.

Taim yu rejistaim Citifon na BSP akaun bilong yu pinis, bihainim dispela 5-pela isi step long baim easipay bi-long yu.

Bihain long yu pinisim step 1, plis bihainim step 2 - 5.

Step 1 – Mita bilong yu
Taipim “Top” larim wanpela spes, taipim “Easi” larim narapela spes na taipim “hamas yu laikim”.
(*Olsem. Top Easi 10*)

O

Step 1 – Mita bilong narapela
Taipim “Top” larim spes, taipim “Easi” larim narapela spes na taipim “Mita namba” larim narapela spes na taipim “hamas yu laikim”
(*Olsem. Top Easi 98275 10*)

Step 2
Salim teks mesej i go long 16288

Step 3
Mobail Benking bekim:
Olsem: BSP 955xxx Requesting K10 TopUp for “Nem bilong yu” EasiPay Meter #. Reply with E123456 if Ok.

Step 4
Bekim i go long 16288 wantaim TopAp koud long tok oraitim EasiPay TopAp.

Step 5
Mobail Benking Bekim:
Olsem: “BSP 123xxx TopUp successful – 654321. *Your K10 EasiPay Token is 22172512053000969 for 13.6 units.*

Tingim: Olgeta gutpela Easi-Pay TopAp i gat wanpela risit namba (Olsem.654321)



nus

7,300 Polisman redi long Ilekseen 2012

Aja Alex Potabe i raitim

MOA LONG 7, 300 polisman i redi pinis long wok bung wantaim ami na CIS long halivim PNG Ilektral Komisin (PNGEC) long ronim gut dispela ileksen.

Antap long dispela 898 ami na 370 CIS stap baksait long sapotim wok bilong Ilektral Komisin long karimaut dispela ileksen.

Ol bai yusim 8-pela helikopta, 2-pela balus, 2-pela bikpela ami sip, 4-pela liklik bot na ol polis kar na sampela haia kar long mekim wok.

Australia bai sapotim ol wok bilong ami na polis wantaim 4-pela Blekhok (Blackhawk) ami helikopta long wok sekyuriti bilong ileksen.

Asistan Polis Komisina, Awan Sete, i tokim ol ambedada na maus manmeri bilong arapela foren kantri istap long PNG olsem las wik olsem, ol polisman i redi pinis long wokbung wantaim ol ami na CIS long halivim PNGEC karimaut dispela ileksen, na wok bilong ol em long lukautim olgeta manmeri long ileksen taim.

Long det 2 i go inap 9 Jun, olgeta ami, polisman na CIS bai stat long go aut long wanwan hap long halivim PNGEC wantaim wok sekyuriti bilong ileksen.

Sete, husat bai go pas long bosim ol polisman bilong ileksen, i tok aninit long plen bilong polis, ol bai skelim ol polisman aninit long 2-pela grup. Wanpela grup bai go antap long Hailans rijen na narapela grup bai go long arapela 3-pela rijen bilong kantri.

“Sekyuriti wok polisman bai givim long ileksen taim bai karamapim sekyuriti bilong ol wok manmeri bilong PNGEC, ol asples manmeri, lokol komynuti, na mipela yet.

“Mipela bai wok bung wantaim PNGDF ami na CIS long larim dispela ileksen i ron gut, na nogat wanpela pait, asua o hevi i kamap long olgeta hap bilong kantri,” Sete i tok.

Sete i tok ol bai kamapim 2-pela sekyuriti tim long mekim ol dispela wok. Dispela 2-pela bai Poling Sekyuriti na Respons Sekyuriti.

“Poling Sekyuriti bai stap long olgeta poling ples o ples bilong vot, na putim was long

olgeta samting i kamap long hap, bikos nogut ol sapota o kendidet i brukim loa long stilim ol balot pepa o balot bokis, o ol vota 2-pela o moa taim.

“Respons Sekyuriti bai wok bung wantaim ol ami na CIS long putim ai long olgeta samting na was long olgeta manmeri long larim fri, fea na seif ileksen i kamap aninit long trupela pasin demokrasi. Ol bai stap raun na lukluk long olgeta sekyuriti samting i kamap long ileksen taim,” Sete i tok.

Lt-Col Mark Goina bilong PNGDF i tok ol ami i stap baksait long polisman long larim ol ples bilong vot, karim i go ka mol balot bokis na pepa, na kaunim ol balot pepa, i stap gut tru long larim olgeta manmeri i noken pret long votim ol lida bilong ol.

Goina, husat bai go pas long lukautim ol ami, i tok ol ami bai kam long Mosbi, lgam long Lae na Moem long Wewak.

Long Julai 7 i go inap 31, ol bai isi isi pulimaut olgeta ami na polisman i go bek long wanwan hap ol i kam long en.



POLISMAN bai mekim sekyuriti wok long daunim ol hevi, asua na pasin nogut long dispela ileksen.

Kenny Wesley bai hangamap

Michael Novingu i raitim

NESENEL kot long Kokopo las wik i givim mekimsave long Kenny Wesley, wanpela man kot i tok i kilim dai 8-pela man nating, long solwara namel long Duk ov Yok Ailan na Namatanai long 2007.

Ekting Jas David Maliku i painim Kenny Wesley, krismas bilong em 30, bilong Malaguna Namba3 ples long Rabaul, i asua long kilim i dai 8-pela man nating long solwara long 27 Septemba, 2007.

Jastis Maliku i tok, Kenny Wesley em i gat tingting long kilim i dai arapela man i stap insait wantaim 5-pela poro bilong em; Gregory Kiapot, Martin Bigit, Tobung Paraide, Peter Taul na Botchia Agena, we ol i kilim i dai Ria Alphonse, Ismael Tibo, Anastasia Bolagas Maguri na man bilong em Eremas Bokot Maguri, Bust a m a n August, Reagan Kiapmur, Tovalaun Lauvo na Matilda

Maivon long namel long Duke of York Ailan na Namatanai long Septemba 27, 2007.

Faivpela poro bilong Kenny Wesley, em Gregory Kiapot, Martin Bigit, Tobung Paraide, Peter Taul, Botchia Agena; Nesenel Kot long Kokopo i givim ol mekimsave pinis long 2011 bai ol hangamapim ol inap ol dai. Ol i stap long Kerevat haus Kalabus wetim tokorait long Gavman long hangamapim ol.

Jastis Maliku i tok Kenny Wesley wantaim 5-pela poro bilong em i bin kisim strongpela dring wantaim spak brus long Mandarinina nambis long Vuvu long Septemba 25, 2007 we ol i pasim tok tok long kilim 8-pela man.

Em i tok, ol i yusim pistol wanpela gan ol i wokim long Fektori, busnaip long kilim 8-pela long solwara namel long Duke ov York na Namatanai.

Nesenel kot long Kokopo i harim olsem, Septemba

27,2007 Kenny Wesley wantaim ol poro bilong em i yusim wanpela 40 hos na 75 hos bot, ol igo long Makada poin putim was i stap long autbot Palex i kam wantaim 8-pela pasindia long go long Rabaul ples long Wes Kos Namatanai.

Taim bot Palex i karim 8pela pasindia i kam, ol i yusim tupela bot ya pasim rot bilong bot palex na kilim i dai 8pela pasindia i stap insait long en. Moa yet ol i yusim gan long kilim 8pela man.

Peter Taul i sutim opereta bilong not palex, Ismael Tibo na Anton Marco i sutim Boskru bilong bot Ria Alphonse, tupela yusim gan long kilim tupela.

Nesenel kot i harim tu olosem, bihain long ol i kilim tupela man pinis, ol i kisim ol samting insait long palex bot, kisim sixpela pasindia i go aut namel long solwara na kilim ol i dai. Bodi bilong Anastasia Bolagas Maguri na Ismeal Tibo ol i painim bihain long ol i kilim tupela na planim tupela long matmat.

Meri lida askim gavman long skruim helpim

Veronica Hatutasi i raitim

ASKIM i go long nesenel gavman long skruim sapot bi-long em long ol meri na dispela bai strongim ol long sait bi-long wokim mani, na long inapim ol sosel na politikel driman bilong ol.

Eksekutyiv Dairekta bilong PNG Wimen in Bisnis (PNG WiB) grup, Janet Sape, i wokim dispela askim aste taim ol i opim nupela hetkota opis bilong PNGWiB na Maikro Fainens long Waigani Draiv, Mosbi.

Samting olsem 300 meri, sampela i kam olgeta long Lae, Morobe provins, Rigo long Sentrel provins na insait long Mosbi siti yet, i bin bung na selebretim opim bilong nupela hetkota opis bilong ol.

Sampela ol bikman i bin stap na givim ol toktok long opening seremoni em long Ekting Nesenel Plening Sekreteri, Dokta Peter Kora Ga’AllahEkting Fainens Sekreteri, Dokta Kora Ga’Allah, , pastaim Fainen s na Plening Minista Patrick Pruaitch, ol meri lida olsem biknem meri lida bilong Morobe em Enny Moiaitz, Presiden bilong Papua Hahine, Sally Mokis na ol n arapela moa.

Misis Sape i wanpela bisnis meri we ol bisnis bilong em long siti i bin ron gut, tasol em i tok leva bilong em i save stap wantaim ol mama long Mosbi siti husat i save bungim hevi long lukautim ol famili bilong ol.

Em bin tok em bin statim PNGWiB Asosiesen long yia 2006 bilong makim intres bilong ol meri long dispela kantri wantaim tingting long sanap olsem wanpela NGO bai kontribut long daunim pasin turan gu long ol meri na ol i ken gat gutpela laip.

Tu, NGO i ken helpim long bdaunim pasin bilong paitim na bagarapim meri, strongim ol meri long kamap ol gutpela lida, bildim awenes long HIV na AIDS na helt bilong ol msama na ol pikinini.

Misis Sape i tok ogenaísesen bilong em i gat 15,000 memba i rijista pinis na narapela 200,000 memba i no rijista yet.

Em i tok planti ol meri em ol i wokim ol liklik bisnis, na maski ol i wok hat, ol i bungim yet turangu pasin.

Tasol ol i wokim ol liklik seavings bilong ol long maikro fainens skim ol bin statim olsem pailot projek long Mosbi siti long yia 2009.

Misis Sape i bin tok tenkyu long gavman bilong givim K5 milian gren mani long kirapim PNGWiB Maikro Fainens we i wok long givim fainensel na bisnis developmen sevis i go long ol meri long ol rurel eria bilong kantri.

Dispela, Misis Sape i tok, i strongim ol mama long wokim mani long helpim ol famili, komynuti na kwaliti long laip bilong ol.

PNG WiPMF i gat meri Sif Eksekutyiv tu.

Em long Mis Thushari, bilong kantri Sri Lanka husat i gat bikpela save na ekspirien long wok bilong benk na maikro fainen s eria.

Long wankain taim tu, Sif Eksekutyiv Opisa bilong PNG-WiBMF, Mis ThushariEkting, i tok maikro kredit skim bai helpim gut ol meri na ol liklik bisnis ol i mekim na dispela tu bai apim level bilong ol meri long gat ol mani bilong ol yet.

Ol meri i amamas stret olsem nau ol i gat opis bilong ol yet we bai mekim wok long helpim ol.

Haphap palamen stori

O’Neill: Mi Praim Minista yet

PRAIM Minista Peter O’Neill i tok em i stap olsem praim minista yet bikos nogat wanpela nupela gavman i kam wantaim nupela praim minista long ronim kantri.

O’Neill i tok taim bilong en bai pinis taim ileksen i pinis na Ilektral Komisin i kisim bek ol rit pepa long Julai, na nau em wantaim ol gavman minista bilong O’Neill-Namah gavman i holim pawa stap yet.

Em i tok ol pipel i noken harim toktok bilong kain man olsem Arthur Somare, husat i wok long giaman planti na paulim tingting bilong manmeri.

Rausim Obudsman Komisin

DEPUTI PRAIM Minista Belden Namah i tok Ombusman Komisin (OC) i no save mekim wok bilong en stret na nupela gavman mas rausim dispela opis.

Namah i tok OC i wok long westim nating mani bilong gavman, na em i no mekim ol wok we em i inap long mekim aninit long Mama Loa.

Em i tok nau Investigesen Task Fos Sweep i mekim ol wok, we OC inap long mekim.

Namah i sapotim toktok bilong Sir Julius Chan, husat i laikim tu gavman mas rausim dispela opis.

Em i tok lidasip kod loa bilong ol lida tu i no gutpela bikos planti ol lida husat i mekim pasin nogut i no save go long kalabus, tasol go ausait nating.

“Ol i no stap antap long loa. Yumi olgeta stap aninit long wanpela loa tasol. Olsem na nupela gavman kam insait mas rausim lidasip kod loa, na OC opis bikos em i no no mekim wok tasol westim mani,” Namah i tok.

Mipela i laikim ansa long wok bilong painim bilong korapsen: TIPNG

TRANSPARENSI Intanesenel Papua Niugini i tok em i laik bilip olsem husat gavman ol i makim long neks ileksen i mas kisim eksen long ol wokpainmaut insait long pablik sevis bilong kantri.

Transparensi Intanesenel Papua Niugini i tok ol i mas mekim pablik long ol pipel i ken ridim ol wok painim i go insait long korapsen long gavman.

Long wik i go pinis, Praim Minista Peter O'Neill i bin kisim fainal na laspela ripot bilong Task Fos Sweep, lain ei bi n go pas long painimaut ol stil pasin insait yet long sistem bilong gavman.

Ripot i painim ol evidens i soim korapsen i pulap insait long kan tri, na i holim kalabus 35 pipel, wantaim

tu wanpela bipo plening minista.

Siaman bilong Transparensi Intanesenel, PNG, Lawrence Stephens, i tok ol i laik save moa long dispela ol wok painim.

"Mipela i luksave olsem i gat wanpela ripot, na mipela i save olsem kari-maut bilong ol samting i stap long dispela ripot, olsem na wanem ol wok apinim bai kamap bihain, bai kisim longpela taim gen," em i tok. "I luk olsem nau em i stap long han bilong nupela gavman i kam insait."

Em i tok dispela em i wanpela long ol namba wan bikpela hevi long kantri, we taim i gat senis bilong gavman, nogat wok bai kirap long strongim ol wok-painim i stap long ol ripot bilong bipo.

Task Fos Sweep ken kisim bek K500m long stilmani

I kam long pes 1...

"Mipela i holim moa long 100 manmeri husat i bin stilim mani bilong pipel. Namel long ol, 4-pela i sanap pinis long kot. Memba bilong Komo-Margarima, Francis Potape, Memba bilong Pomio, Paul Tiensten, na bipo Memba bilong Madang, Aloysius Kingsley i sanap pinis long kot bikos ol tu i bin stilim sampela mani bilong pipel," Koim i tok.

Em i tok, long liklik taim tasol O'Neill-Namah gavman i bin stap long pawa, ol i bin mekim bikpela wok stret long rausim olgeta pasin nogut, na pasin korapsen long pablik sekta long kantri, we dispela i lukim moa 24 pablik sevan i lusim wok bikos ol i brukim Pablik Sevis Menesment Act long stilim mani bilong gavman.

"Antap long en, mipela i holim 24-pela lida husat i brukim Lidasip Kod, na ol bai go long Ombudsman Komis long sekim ol asua bilong ol. Mipela i painimaut olsem moa long 20-pela loya i brukim pinis Loyas Act na PNG Loa Sosaiti bai mekim save long ol," Koim i tok.

Koim i tok insait long dispela liklik taim tasol, ol i bin holim planti stil manmeri na pablik sevan, husat i save tanim bek long stilim samting bilong pipel i kamaut ples klia wantaim halvim bilong ITFS.

O'Neill-Namah gavman, aninit long was bilong Ne-senel Plening Minista Sam Basil na Atoni-Jeneral, Dokta Allan Marat, i bin gvim K12 milian long kamapim dispela opis long rausim pasin korapsen na kisim bek long pablik mani lus long han bilong ol stil manmeri.

ITFS i holim, kotim na sasim ol dispela stil manmeri na dispela bai daunim level bilong pasin korapsen insait long kantri.

EasiPAY TopUp is Here!

TopUp your EasiPAY meter or someone else's directly from your bank account

No Queues, TopUp Anytime, Anywhere, 24/7

Convenient, Easy and Cheaper way to TopUp your EasiPAY meter

BANK WITH A REAL BANK!



Sign Up today for Mobile Banking

PNG POWER LTD easiPAY

mobile banking



BSP Mobile Banking Customers can now contact 320 1212 to register your EasiPAY meter number

Niupela

Maggi

MagicTeist

Wanpela kain kuking pauda

Bai givim BEST teist long kainkain kuk

Zurenuoc singautim Pablik Sevan long sapotim Ilektoral Komisin long Ileksen 2012

SIF Sekretari bilong Gavman, Manasupe Zurenuoc, i singautim ol pablik sevan long sapotim Ilektoral Komisin long ronim gut dispela ileksen.

Zurenuoc i mekim disepela tok-tok bihain long em i bin holim wanpela miting wantaim ol Isten Hailans Ilektoral I Opisal long Goroka las wik.

"Ileksen 2012 em i wanpela bikipela salens na yumi nidim ol pablik sevan long sapotim wok bi-

long Ilektoral Komisina, Andrew Trawen na wok manmeri bilong en long dispela hat taim.

"Ilektoral Komisin i lukautim ileksen; tasol ol pablik sevan i ronim dispela ileksen, na dispela em i wok bilong mi long larim ol pablik sevan i sapotim Ilektoral Komisin long ronim gut dispela ileksen," em i tok.

Zurenuoc i singautim olgeta pablik sevan long wan-wan provins long redi long ronim gut

dispela ileksen na mekim gut wok wantaim gutpela ting ting long kamapim fri, fea na seif ileksen.

"Mi laik tokim olgeta provinsal administreta na provinsal ilektoral opal olsem mi stap strong long sapotim ilektoral komisin i mekim gut wok bilong en wantaim sapot bilong yumi olgeta," em i tok.

Em i singautim olgeta provinsal administreta long putim i go insait long wok plen bilong ol, ol ara-

pela samting tu ol i mas mekim long sapotim dispela ileksen.

"Mi laik lukim ol pablik sevan bilong olgeta provinsal administresen long stopim wok bilong ol long liklik taim tasol long halivim komisin i ronim gut dispela ileksen. I singautim olgeta long halivim komisin i mekim gut wok bilong en long makim halivim pipel i makim gutpela lida bilong lukautim dispela kantri," em i tok.

Zurenuoc i tok sampela hevi i save kamap long ileksen taim, tasol em i liklik hevi tasol na em i save kamap long olgeta hap bilong kantri.

Em i singaut strong long olgeta pablik sevan long wokbung wan-taim na sapotim Ilektoral Komisin long larim olgeta priliminari rol i redi bipo long ol rit i kamaut tumora.

Agiru kamapim nupela politikel pati

GAVANA bilong Sauten Hailans, Anderson Agiru, bai ron long kisim nupela sia bilong gavana bilong Hela aninit long nupela politikel pati bilong en.

Nem bilong dispela nupela politikel pati em i People's United Assembly (PUA) and em i makim pinis moa long 50 manmeri long sanap long dispela ileksen.

Opis bilong Rejistra bilong Politikel Patis na Kendidet i givim pinis setifiket long tok orait olsem dispela pati i ken resis long dispela ileksen.

Dispela pati em i gat 3-pela Memba bilong Palamen, husat bai ron wantaim ol arapela 50 manmeri long dispela ileksen.

"Mipela 3-pela busman i kamapim dispela pati. Mi yet mi busman bilong Hela. Paul Tiensten husat i busman bilong Pomio na James Lagea, husat i busman tu bilong Kagua-Erave, i sapotim mi long kirapim dispela pati.

"Em i pati bilong olgeta manmeri bilong PNG. Mipela i makim ol save manmeri tasol long sanap long dispela ileksen bikos dispela kain manmeri i ken mekim gutpela disisen bilong kantri.

"Krismas bilong ol dispela manmeri tu i abrusim 30 yia bikos dispela kain bikipela manmeri i gat gutpela n astrongpela ting ting long ronim gut kantri na kamap gutpela lida," Agiru i tok.

Agiru bai nomoa sanap long Suaten Hailans sait tasol em bai sanap long winim gavana sia bilong Hela bihain long gavman i luksave long en olsem nupela provins bilong en yet.

Em i bin kamapim United Resource Part (URP), we dispela pati em i nau stap long gavman sait olsem wanpela strongpela kolisen patna aninit long lida William Duma.



BOS BILONG NUPELA PATI: Anderson Agiru em i pati lida na Paul Tiensten bai ron aninit long dispela pati.

O'Neill raun lukluk long Pangia

PRAIM Minista Peter O'Neill i tok em i laik go visitim o raun lukluk long olgeta kaunsil wot insait long lalibu-Pangia Ilektoret bipo long Ileksen 2012 i stat.

Em i mekim dispela toktok taim em i bin visitim Mele Viles long Is Pangia las wik Tunde na tok amamas long sapot em i kisim long 6-pela kaunsil wot long makim em gen kamap Memba bilong lalibu-Pangia.

O'Neill i visitim tu arapela tupela kaunsil wot long Is Pangia, we em i givim K9.25 milian long kirapim ol namba wan sevis.

Long Pondiyapu kaunisl wot, O'Neill i givim 2-pela sek long mani mak moa long K7.75 milian long 3-pela kaunsil wot bilong Morea viles, we K6 milian bai go long 3-pela bikipela rot projek. Arapela mani bai go long ol liklik projek.

O'Neill i givim K2 milian bilong Pangia Station-Morea rot projek, K2 milian bilong Koare rot konstraksen, na nara-pela K2 milian bilong Wiru Lup rot.

Bihain long en, em i visitim Talipiko insait long Mele Komyuniti na givim K1.5 milian i go long 6-pela kaunsil wot long stretim ol sevis long ples.


Long Mele, ol pipel i tokim O'Neill olsem ol bai votim em na salim em i kam bek long Palamen olsem Memba bilong lalibu-Pangia.

O'Neill i go long helikopta long laro, las ples insait long West Pangia bipo long em i kam bek long Mosbi.



LONG MELE: Praim Minista Peter O'Neill i toktok long Mele, Pangia distrik insait long lalibu-Pangia Ilektoret, Sauten Hailans.

Somare tingting long sanap gen



SIF Se Michael Somare.

OLPELA Praim Minista bilong Papua Niugini, Gren Sif Sir Michael Somare i luk olsem em bai senisim tingting gen long resis long jeneral ileksen bilong dispela yia. Las wik, Sir Michael i bin tok em bai lusim wok politik moa long 40-pela yia olgeta. Pastaim long em, em i bin tingting long sanap laspela taim bihain long palamen i bin rausim em long opis bilong Praim Minista long las yia. Tasol insait long wanpela toktok, em i bin rekodim long lokol radio long Is Sepik provins bilong em yet, Sir Michael i tok em nau i tingting gen long dispela ritaiamen wok bilong en.

PNG Palamen i pinis long redi long ileksen

PLANTI toktok i bin kamap olsem bai gat wanpela mosen long surukim ileksen long laspela de bilong palamen, tasol ol i bin vout long palamen bai pinis na ileksen bai go het. Praim Minista Peter O'Neill i toke m i bin wanpela bikpela

sans tru long ol i larim em i lidim kantri bihain long kisim ples bilong Sir Michael Somare long mun Ogus long las yia. Em i bin tok tenkyu long tupela memba, husat i bai ritai na pinis long wok politiks, em

Oposisen Lida, Dem Carol Kidu na olupela praim minista Sir Mekere Morauta. Ol ileksen rit pepa bilong ileksen bai go aut long Fraide dispela wik, em bai kik-statim ileksen kempen na vot bai stat long pinis bilong mun June.

Ol disebol manmeri long Is Nu Briten bai vot

Michael Novingu i raitim

OL Disebol manmeri long Is Niu Briten bai vot long 2012 Generel Ilekse. Bosman bilong Ilektral Komisen long Niugini Ailan Terence Hetinu i tokim Wantok Niuspepa long Kokopo olosem, 2012 generel Ilekse long ENB em i nambawan taim ol Disebol manmeri bai vot. Hetinu i tok, mo long fopela ten(40) disebol manmeri ol putim nem bilong ol pinis long komon rol las wik, bai ol vot long 2012 Jun Ilekse. Em i tok, taim ol disebol

manmeri putim nem long vot ol i amamas tru long vot bikos dispela em rait bilong ol, mipela ino inap long stopim. Sampela long ol disebol manmeri i stap long ol bus ples, we nogat PMV kisim ol i kam vot bai mipela yusim postel vot sistem long ol i vot, Hetinu i tok. Em i tok, ol balot pepa ol woklain bilong Ilektral Komisen bai kisim i go long i vot bai kisim i kam bek long mipela. Hetinu i tok, ol sekuriti wok lain olosem polis, Ami tu bai mipela yusim postel Sistem long ol bai vot bikos ol i nogat inapt

aim long go vot. Em i tok, ol sikman meri i stap long hausik, ol tu bai mipela yusim postel sistem long vot mo yet ol manmeri i wok long ol arapela kantri tu bai mipela yusim postel voting sistem bai ol i vot. Long wankain taim, Terence i tok, LPV awenes em i bikpela samting long ol manmeri i mas save pastaim long ol vot. Hetinu i tok ol NGO i karimaut awenes igo insait long ol distrik insait long ENB long lanim ol manmeri long LPV sistem pastaim long ol vot long Jun, 2012.

Long wanpela Bai Ilekse long Balanataman LLG long Is Nu Briten ol painimaut olosem 40% long ol manmeri ino save long vot yusim LPV Sistem, Hetinu i tok. Dispela i soim olosem planti manmeri no klia gut long yusim LPV Sistem long vot olosem na ol NGO i karimaut awenes long ol i mas save pastaim long ol i vot. Hetinu i tok, PNG Ilektral Komisen yet i fandim dispela awenes bilong karimaut LPV long ol distrik long ENB.

Is Nu Briten i redi long ileksen

Michael Novingu i raitim

BOSMAN bilong Ilekse Komisen long Is Nu Briten, Terence Hetinu, i tokaut long wanpela kibung bilong ol kendidet husat bai resis long faivpela sia long Is Niu Briten olsem ENB i redi long 2012 Ilekse bai go het. Hetinu i tokaut long kibung olsem 18 Me, 2012 em i taim long tok orait long kempen bai stat na ol kendidet bai putim nem bilong ol long resis long Ilekse long 2012. Em i tokaut, tu olsem i gat 2-pela meri bai resis long Ilekse, moa yet wanpela bai resis long Gesel Open Ilektolet, arapela bai resis long Rabaul Open, we Atoni Generel Dokta Allan Marat i holim dispela sia. Hetinu i tok, mani plan bilong ol long ronim 2012 Ilekse long ENB em K1.4m ol i givim long Ilektral Opis long Mosbi, tasol ol i givim hap mani i kam long karimaut wok bilong Ilekse long ENB. Faivpela wok em taim bilong kempen bai pinis long 22 June, 2012 na 23 Jun em taim bilong ol manmeri i stat long vot, Hetinu i tok. Hetinu i askim ol kendidet long pulumapim pom 29 hariap givim igo long en wantaim poto bilong ol, moa yet sapot ol i no wokim hariap poto bilong ol bai ino inap kamap long posta bilong ol. Ol kendidet bai resis long faivpela sia long ENB i sanap olsem,


1.	Kokopo Open	20
2.	Gazelle Open	13
3.	Pomio	7
4.	Rabaul	5
5.	ENB Rijinel	7
Total		= 52

Hetinu i tok, i gat 18 LLG na 386 wod we mipela i kisim nem bilong ol manmeri i go insait long pinis long Komen Rol Bik pinis salim igo long Mosbi. Em i tok, sapos Mosbi i sekim i stret ol i salim i kam bai mipela yusim long taim bilong Ilekse. Hetinu i tok long 2007, namba bilong ol manmeri i vot i sanap olosem 174,665; mipela i rausim nem bilong 27,740 nem bilong ol manmeri long komon Rol Buk bikos sampela i dai pinis, sampela i no stap long Is Niu Briten. Em i tok, 146, 925 manmeri nem bilong ol long vot long 2012 Jeneral Ilekse. Mo yet em i tok mipela i sekim gut ol nem pastaim long mipela i salim i go long Mosbi. Em i tok sapos Mosbi i mekim asua bai namba bilong ol manmeri i vot ino stret, tasol mi ting bai orait. Hetinu i tok, 478 hap bilong vot, 96-pela polim tims, 460 em ol woklain long taim bilong vot, 192-pela polis long providim sekuriti long taim bilong Ilekse; ol hap bilong kauntim ol vot i sanap olsem: 1) Rabaul Open – Malagun Teknikel Hai Skul 2) Gesel Open - Kairak Senta 3) Kokopo Open- Rabaul Ats Diocese Haus Vunapope 4) ENB Rijinel – Ulapia Semeneri Skul Hetinu i tokim ol Kendidet olosem rit ino open yet, na tambu long kempen inap rit i open long 18 Me, 2012.

Sir Mek, Dame Carol lusim politiks

Aja Alex Potabe i raitim

TUPELA bikpela pes bilong PNG politiks i brukim lewa bilong sampela Memba bilong Palamen hap aste taim tupela i mekim laspela toktok long floa bilong palamen long lusim nesenel politiks. Minista bilong Pablik Entaprais, Sir Mekere Morauta na Oposisen Lida, Dame Carol Kidu, bai nomoa sanap long dispela ileksen bikos tupela i pilim tupela i mekim inap wok long kirapim dispela kantri insait long 3-pela tem tupela i stap olsem Memba bilong Palamen. Minista bilong Pablik Sevis, na Memba bilong Lae, Bath Philemon i karai taim em i laik tok gutbai long 2-pela poroman bilong en. Praim Minista Peter O'Neill, Deputi Praim Minista Belden Namah, na ol gavman minista i tok gutbai na sore long 2-pela long taim Memba bilong Palamen. Sir Mekere em i Memba bilong Mosbi Not Wes na bipo praim minista. Dame carol em i Memba bilong Mosbi Saut na i bin stap sinia minista bilong bipo



Sir Mekere Morauta

Somare gavman. Tupela wantaim i go insait long palamen long yia 1997. Sir Mekere, husat i bin inapim 40-pela yia long pablik laip, i tok; "Mi amamas long tok tenkyu long pipel bilong Mosbi Not Wes long bilip strong long mi, na makim mi 3-pela taim olgeta long makim maus bilong ol long palamen. "Sapos mi sanap, mi bai win yet, tasol mi laik givim sans long ol yangpela lida na stap baksait long ol long skelim ol ekprens bilong mi long pablik sevis napolitiks." Em i tok tenkyu long Gren Sif Sir Michael Somare, Paias Wingti, na Sir



Dame Carol Kidu

Julius Chan bikos aninit long ol, em i bin lainim planti nupela samting, na tu mekim planti gutpela samting long gutpela bilong dispela kantri. "Mi laik givim sans long ol yangpela lida bikos bodi bilong mi i tokim mi olsem mi inap nau long pablik laip. "Mi bilong Galp provins, na mi gat wanpela gutpela bot. Bai mi painim pis long wara, dring wain, na harim ol musik, na stap tasol bikos mi pilim mi mekim inap wok bilong kantri," Sir Mekere i tok. Dame Carol i tok tenkyu long pipel bilong PNG long stap isi taim kantri i bin bungim wanpela bikpela politikel hevi namel long

Somare na O'Neill. "Inap long kantri bilong yumi bagarap dispela taim. Ami inap long kisim gavman pinis. Blut insap long kapsait. Tasol ol pipel i bin sanap isi na beten long Papa God long stretim dispela hevi, na larim kantri i ron gut olsem ol arapela demokretik kantri. "Mi amamas long dispela. Nau yumi mas larim fri, fea na seif ileksen i kamap long PNG. Gavman na Oposisen wantaim mas wokbung long kamapim ol gutpela samting bilong kirapim kantri. "Olgeta samting yumi mekim mas bihainim loa. Ol kot sistem bilong kantri mass tap gut, na gutpela li-dasip i mas soim stretpela rot long larim dispela kantri i groa gut," Dame Carol i tok. Em i tok tenkyu long pipel bilon Mosbi Saut na ol pikinini bilong en long halivim em kampim planti gutpela polisi bilong yut, ol meri, pikinini na sosel divelopmen bilong kantri. Sir Mekere na Dame Carol wantaim i bin senisim na kamapim tu planti ol gutpela gavman polisi, we kantri i nau wok long kisim benefit long en.

Ol Gret 8, 10 na 12 setifiket klostu redi

OL SUMATIN i bin pinisim Gret 8, 10 na 12 las yia bai kisim ol skul setifiket bilong ol long dispela mun.

Edukesen Sekreteri, Dokta Musawe Sinebare, long las wik i bin tok

Edukesen Dipatmen i kisim pinis ol blek setifiket wantaim signetsa bilong nau Edukesen Sekreteri.

Na ol i stap wantaim Mesamen Yunit Brens long ol i putim ol mak na nem

bilong ol wan wan sumatin na bihain, ol bai redi na ol bai salim ol i go long ol edukesen opis insait long wan wan provins. Na ol sumatin na papamama i ken go na kisim ol long hap.

Dokta Sinebare i tok bihain ol i prinim ol setifiket, ol bai seklim ol gen pastaim na bihain, salim ol i go long ol provins long namba tu na namba tri wik bilong dispela mun.

Em i tok ol het tisa na ol supavaisa bilong ol tes i mas sekim gut ol samting na prinim ol pastaim long ol i salim i go aut.

Em i tok moa olsem ol prinsipel na ol sumatin i mas


sainim ol setifiket na sumatin i ken kisim ol dispela

I go long ol hap o skul we ol i stap long en.

Dokta Sinebare i tok ol sumatin i skul nau long ol


If your name is not on the Electoral Roll, hurry and enrol now.

Your name must be on the Electoral Roll to be eligible to vote in the 2012 General Elections.



Go to your nearest electoral, provincial or local government office to enrol.

Remember No Name, No Vote



Last Day of Enrolment, Friday, May 18, 2012
A Free, Fair and Safe Election

www.pnhec.gov.pg
Authorised by Andrew S. Trawen, CMG, MBE

HIV na AIDS marasin i pinis long PNG

PNG i nogat marasin we ol manmeri na pikinini i gat HIV na AIDS i save kisim long helpim ol.

Dispela em Antiretrovairal (ARV) marasin.

Ol ripot i tok ARV marasin i bin pinis yet long mun Septemba na helt sekreteri i bin tok ol bai kisim ol nupela saplai, tasol dispela i no kamap yet.

Taim ARV marasin i bin pinis, ol bin givim ol narapela nupela marasin ol i kolim long stavudine" (D4T), tasol Wol Helt Ogenaisesen i bin stopim dispela marasin.

Nau ol lain i gat HIV na

AIDS i stap nating na i no kisim marasin.

Ol ripot i tok long ol tok-tok ol i kisim long helt sekreteri, kantri bai kisim ARV marasin i kam long 4-pela wik i kam.

Em i tok helt Dipatmen i tromoim K8 milian long baim ol nupela ARV drag o marasin.

Tasol ripot i tok em bai kisim 5-pela mun long dispela marasin i kam long PNG.

Ol lain i save kisim dispela marasin long helpim ol i stap gut i autim wari bilong ol long dispela na ol i no amamas long Helt Dipatmen i no mekim gut wok long helpim ol.



AUSTRALIA HELPIM WESTEN PROVINS:

Australia bai helpim Westen provins wantaim manimak long K17 milian long pait agensim sik TB long provins. Long aste, Australia i bin wanpela ambalens bilong solwara na ol narapela masin bai helpim Westen Provinsel gavman long nstrongim wok bilong glasim ol manmeri long sik TB na givim ol marasin.

I kam inap nau, planti sik manmeri na ol lain i gat sik TB tu i save go long ol TB haus sik long Tores Streit Ailan sait long kisim helpim.

Tasol wantaim sapot bilong Australia, ol bai stap bek na kisim tritmen long Daru Haus sik yet.

Piksa i soim Dokta Rendel Moke husat i bin skul wantaim sapot bilong AusAID long kamap TB dokta, na bosman bilong AusAID long PNG, Stuart Schaefer, long fran bilong nupela TB Xrei masin.

Poto: AusAID Pablik Rilesens



**Yut, Meri na
Famili
wantaim
Lorraine
Siraba**

Senis i mas kamap nau na putim vot bilong yu long ol meri

OL RIT pepa bai go aut tumora long statim wok bilong ileksen. Taim yumi statim dispela wokabaut i go long taim bilong vot, i moabeta long tingting gut long husat tru bai yumi votim long makim yumi long palamen.

Yumi kamaut tasol long politikel hevi i bin kamapim ol pablik protes bikos yumi no wanbel long sampela disisen we ol lida bilong yumi i wokim. Wanpela samting yumi ken lainim long dispela politikel hevi em, taim ol man i wok long pulim pait long pawa i go na i kam, wanpela meri palamen memba tasol i wok long plenim gut ol samting na putim inres bilong pipel pastaim.

Dispela i mekim kamap long ples klia ol wok long wanpela risets olsem ol meri lida i kisim moa mak long sait bilong save, mekim samting stret na kamapim na redim ol plen i gutpela moa long ol man long politikel level.

Em i taim nau long PNG i tingting gut na senisim pes bilong politiks long kantri bilong yumi na putim moa meri i go long politikel pawa.

Libya em wanpela kantri long Afrika i bin votim namba wan meri presiden bihain long 20 krismas woa o pait i bin stap long kantri bilong ol. Em bin makim ol meri tasol long kisim ol bikipela posisen olsem fainens minista, polis komisina, na long jastis sekta long helpim em i kliarim kantri long bikipela dinau em bin gat na mekim ples i kamap gut we ol pipel i gat sans long mekim ol wok long kisim mani.

Long PNG, ol man tasol i ranim politiks insait long las 37 krismas, na yumi lukim wanem samting ol i ken kamapim, Em i taim nau long yumi givim sans go long ol meri long menesim dispela kantri bilong yumi. Olsem na givim vot bilong yupela i go long ol meri na bai yu vot long ol pikinini na bubu i kam bihain. i moabeta yumi tingting gut na vot long samting yumi bilipim bai mekim kanmtri bilong yumi i kamap gutpela moa. Mekim disisen bai kamapim gut laip bilong yumi.

Save i Ken Helpim



Purpur save amamasim man

OL PURPUR o flawa i save mekim man i amamas. Em long naispela lukluk bilong em we hariap tasol, ai i pas long en na naispela na gutpela smel we ol flawa em i karim i autim long en.

Sapos yu gat flawa gaden, bai yu painim amamas taim yu gat sampela kain wari na taim yu lukim ol naispela kala flawa na tu, taim yu smelim ol naispela smel bilong ol wan wan flawa.

Kain kain smel ol flawa i gat olsem swit smel, smel olsem prut na smel bilong spais sampela flawa i gat taim yu b rukim ol lip, o taim ren i pondaun antap long ol. Sampela flawa i save autim naispela smelt aim san i go daun na sampela em win i save karim naispela smel bilong ol i go aut long longwe hap.

I kam long "Fragrant Flowers and Foliage" buk
Moa long neks wik



Raun Lukim ol Meri na Pikinini:

BUKA BILAS: Tallulah Pople na kasen bilong em, Tialana Wong i putim bilas bilong Buka i na wetim ol lain bilong ol i kam long welkamim ol sampela bik manmeri i go kamap long sampela wok long Otonomes Rijen bilong Bogenvil.



PNG SUSTAINABLE DEVELOPMENT PROGRAM LTD

Promotim gutpela na isipela rot bilong kisim wara na lukautim ples insait long ol rurel komyuniti

Em i hap wok bilong PNGSDP long kamapim na lukim olsem i gat gutpela wara insait long Western Provins na arapela hap long PNG tu. Kampani gat laik long kamapim ol samting we i no hat na ol komyuniti ken lainim hariap bai ol yet i ken yusim. Long stat bilong dispela yia, PNGSDP i putim K52 milien long Water PNG long statim wanpela wok stretim long olgeta wara sistem insait long Daru taun.

Laik bilong mipela long helpim ol manmeri bilong Suabi long Nomad Distrik bilong Western Provins, taim tupela bilong ol i painim rot bilong ol i kam kamap long opis bilong mipela. Mipela i no tok long wanem samting mipela bai sekim na givim ol tasol mipela i askim ol yet long sekim na painim aut long wanem tru ol i laikim. Bihain long dispela mipela i raun i go lukim ol wantaim ol wokman bilong ATprojects. Mipela sindaun wantaim komyuniti na i lukluk long ol samting we ol i makim olsem ol i laikim long en.

Long dispela bung mipela i luksave olsem wara na gutpela helt em i bikipela salens bilong ol 1, 500 manmeri husat i save stap insait long dispela komyuniti. Bihainim dispela wok painim aut, PNGSDP i outim K128, 259 na ATprojects i tok orait long mekim dispela projek olsem namba wan projek bilong ol aninit long Western Province NGO Support Partner Program wantaim astingting long pulim moa NGO i go long provins.

Ol i makim tupela man na tupela meri long Suabi na kisim ol i go long trening long Goroka. Bihain long tupela wik, ol i go bek long ples bilong ol wantaim gutpela save na trening bilong mekim ol haus pepek na ol rot bilong kisim wara long ren olsem ATprojects i save mekim. ATprojects i save nau olsem ol i gat ol manmeri husat i gat save long mekim dispela kain wok insait long komyuniti na ol i kisim ol samting bilong wok na bihainim ol i go bek long Suabi long was long ol manmeri long komyuniti husat ol yet i mekim olgeta wok.

Nau yet i gat tupela 9,000 lita tenk i senap bilong ol memba bilong komyuniti na 6-pela ATprojects haus pepek we ol manmeri yet i mekim bilong ol elementri na komyuniti skul long hap. ATprojects i putim tu ol sola lait bilong Helt Senta na i trenim ol komyuniti helt wokmanmeri long hap long lukautim na stretim taim em i bagarap. Mipela i save gat bilip na amamas taim ol komyuniti yet i givim taim na risos bilong ol long mekim ol wok bilong wanem ol bai pilim olsem em i samting bilong ol yet na ol bai gat tingting bilong lukautim gut. Ol i soim olsem ol inap long wokbung olsem wanpela komyuniti na kisim developmen i go long komyuniti bilong ol.

Mipela i save tu olsem ol gutpela save na ekspiriens ol i kisim long dispela projek bai go aut tu long ol arapela ples insait long rijen na ol arapela komyuniti tu bai ken kisim gutpela helpim long en tu long stretim sindaun bilong ol komyuniti na laip bilong ol. i no ol man tasol bai go pas long mekim dispela ol wok tasol ol meri tu bai stap insait long en na givim gutpela helpim. Kampani save amamas long helpim taim mipela i save olsem ol samting ol i lainim bai helpim ol manmeri long laip bilong ol.

Mi tok amamas long Suabi komyuniti na ATprojects long gutpela wok ol i kamapim. Mipela i save olsem ol save na ekspiriens ol i lainim long hia bai go aut long ol arapela hap insait long rijen na mipela i luk fowet long harim stori bilong ol gutpela senis i kamap long laip bilong ol manmeri husat i bungim ol dispela save manmeri na i lainim samting wantaim ol insait long kain projek olsem.

I kam long tebol bilong CEO (Article #17 of 2012)



CEO: David Sode

Tapiok keik bringim mani long ol rurel mama

James Kila i raitim

PLANTI ol meri na ol mama insait long ol rurel viles long planti hap bilong kantri i save wok hat tru long painim mani long sapotim famili.

Turangu ol mama i save hatwok tru long wok gaden na groim kaikai na salim long kisim liklik mani long sapotim ol pikinini.

Insait long Bom viles long Bugati eria long Astrolabe Be long Madang provins, ol mama i save groim gaden kaikai na bringim i go salim long Madang taun.

Tasol i gat narapela gutpela rot tu long kisim mani i stap. Na dispela rot em long wokim tapiok keik na salim.

Rot bilong wokim keik em taim

mama i rausim tapiok long gaden na karim i go long haus, ol i save rausim skin bilong tapiok na sigirapim long wanpela sap kappa we ol i wokim planti liklik hol wantaim nil na i gat planti sap sap i stap long kapa. Dispela em bai greitim na rausim tapiok i go liklik na pundaun i go insait long wanpela dis.

Bihain long dispela taim olgeta wok bilong sigirapim tapiok i pinis, ol mama i save skwisim wara bilong tapiok i go aut na larim em drai liklik na ol i save sigirapim kokonas na skwisim gris bilong en i go wantaim tapiok na miksik gut tru.

Na bihain ol i save karamapik gut long bikpela mekpas banana lip na putim antap long ston we ol i mekim paia na hot pinis olsem

stail bilong mumu.

Bihain long ol i larim dispela karamap i stap antap long mumu inap wanpela nait, ol i save rausim long moning na karim hot yet i go long taun na bihain katim katim na salim long 20-toea long maket.

Long piksa yu ken lukim Dianne Zirota bilong ples Bom klostu long Erima i bisi tru long sigirapim tapiok yusim kappa.

Em wantaim mama bilong em i bisi tru i stap taim ripota ya i kisim poto long em.

Planti lain long taun i save amamas long baim tapiok keik na kaikai bikos em i save holim bel longpela taim.

Na sapos yu dring wantaim kulau wara bai yu pilim nais tru.....Yes em keik bilong Bom stret long Bugati.



TAPIOK KEIK: Dianne Zirota bilong ples Bom long Astrolabe Be i sigirapim tapiok long wokim keik. *Poto: James Kila*

Ol wok meri kisim tetanus banis sut

PLANTI wok meri insait long Nesenel Kapitel Distrik i bin kisim banis sut long stopim sik tetanus.

Ol i joinim ol narapela mama na ol yangpela meri long kantri husat i kisim banis sut aninit long 6-pela wik

Saplimenteri Imunaisesen Program (SIA) i ron long olgeta hap bilong kantri.

SIA program i bin stat long Epril 2 na i ron long olgeta hap bilong PNG long 6-pela wik. Em bin pinis long dispela wik Tunde, Me 15.

Dispela SIA banis sut program i bilong ol meri i gat krismas namel long 25 na 45 yia husat inap long karim bebi. Long dispela program, ol pikinini krismas bilong ol i stap daunbilo long tripela yia i kisim banis sut bilong sik misels.

Sik tetanus em binatang bilong ol samt-ing olsem ras i save kamapim na go insait long bodi na kamapim bagarap long man na meri. Na ol i ken dai.

Ol beb i stap long bel bilong mama bai kisim sik taim binatang long mama i kalap i go long ol.

Rot we manmeri i kisim binatang bilong sik tetanus em taim naip na ol narapela sap samt-ing na tin i gat ras long em i katim ol.

Long las wik, helt tim bilong Nesenel Kapitel Distrik Helt Sevis i bin raun long ol opis na wokples long givim tetanus banis sut i go long ol wokmeri i gat krismas namel long 15 na 45 yias.

Planti wok meri i save painim hat long go long haus sik long kisim dispela banis sut, na ol bin kisim sans long ol nes i kam stret long wokples na givim ol tetanus banis sut.

Long mun Septemba, ol meri bai kisim namba tu raun bilong tetanus banis sut.

Misis Parkop resis long Oro Rijnel

NAMEL long ol meri husat i sanap long 2012 nesenel lleksen, meri bilong Nesenel Distrik Gavana, Powes Parkop, i wanpela long ol.

Jean Parkop i bilong ples Deboin long Aioma Distrik long Oro Provins i sanap resis long Oro Rijnel sia.

Misis Parkop i tok sanap bilong em long

resis long kamap wanpela palamen memba em long inapim driman we em i bin gat taim em i liklik yet long makim pipel bilong em long nesenel palamen.

“Taim i kam pinis nau long mekim dispela. Mi no nekim dispela bikos man bilong mi i stap long palamen nau,” Misis Parkop i tok.

Em i tok Oro i gat planti gutpela samt-ing olsem graun, planti kaikai, welpam na em i gat planti save . Tasol long sait bilong developmen, em i stap long baksait stret.

Olsem n a em i tok sanap olsem meri, em i ken kamapim sampela senis na kisim provins i go long gutpela bihain taim.



AILAN STAIL: Nogut yu ting olsem dispela ol pikinini i bilong Kiribati o wea, tasol nogat. Dispela tripela pikinini i bilong Aua Rufu Toi Ailan, wanpela long ol liklik ailan grup wantaim Wuvulu, Hermit na Ninigo long Westen Manus. Tripela i amamas rileks i sindaun stap long sait bilong ol mangro o pandanus i sanap long arere bilong viles.

Poto: Sandra Amuru

Paionia long stailim gras i dai

PAIONIA man long statim wok long stailim gras olsem hap long fasen wol i dai pinis.

Vidal Sassoon i hap Teki (Turkey) na Israel i bin gat 84 krismas taim em i dai long sik leukemia, o kensa bilong blut. Mama i bin karim em long Ingran we laip i bin hat na bikos famili bilong em i turangu, em bin stap long haus we ol i save lukautim ol pikinini i nogat papamama. Tasol taim em i gat 14 krismas, step papa o namba tu papa bilon g em i bin sponsaim em long

statim wok olsem “hair dresser” o man bilong stailim gras.

Stail bilong em wantaim sises i bin pinisim kain stail long gras we ol meri i no save katim gras, tasol larim i go longpela na ol i yusim ol pin long pasim. Nupela kain stail em i kamapim i bin givim em biknem na mani.

Ol bin kolim Sassoon paionia long wasim gras i luknais stail we i stopim ol meri long go olgeta wik long “hair saloon”

o ples bilong wasim na stailim ol longpela geas bilong ol.

Sassoon i bin kamap biknem long stailim gras na ol maket bilong grass, ol gras salun, katim gras na ol prodak bilong stailim gras.

Stailim gras em bin statim i lukim tu ol yangpela meri long PNG i yusim ol prodak na kain stail long mekim long gras bilong ol.

Woksop long redi gut long taim bilong lapun

Pater Paul Liwun SVD i raitim



(Foto na stori bilong Pater Paul liwun SVD)

KAMAP lapun i wanpela samting we planti lain long PNG i no save bisi o tingting planti tumas long en.

Tasol yumi mas luksave olsem long dispela taim, dispela em i bikipela samting, na yumi mas gat sampela save na redi i stap long taim yumi kamap long dispela level long laip.

Wanpela semina o bung bilong ol SVD pater na bruder i gat krismas namel long 51 na 70 krismas bin kamap long Alexishafen, insait long Madang Provins.

35 pipel i sapos long go long dispela bung, tasol liklik lain i kamap long bung i bin kamap long tupela wik i go pinis.

Sikspela pipel i gat long em wanpela Sister na 5-pela pater i bin givim ol toktok long ol pater we bai helpim ol i redi na daunim ol kain samting bai kamap long spiriuel, fisikel na sosel laip bilong ol taim ol i wok long isi isi go lapun.

Long apinun bilong namba tu de bilong semina, Sister Helen Warman OLS, i save stap long Boroko i givim wanpela skul long “Growing Old Wisely”. Em i yusim stori na eksperiens bilong em yet long kamapim sampela gutpela tingting we ol parter na bruder i ken yusim, olsem long “memori” bilong yumi.

Em bin tok taim yumi lukluk bek long wanem samting i bin kamap long laip bilong yumi, memori bilong yumi inap long helpim yumi long groa na kamap gutpela manmeri long sosaiti bilong yumi.

Asbisop Stephen Reichert

OFM Cap, bilong Asdaiosis bilong Madang i bin givim skul long rot bilong developmen bilong bilip na salens bilong em.

Em bin serim gutpela eksperiens bilong em taim em i yangpela pater yet i wokim wok olsem peris pris long Mendi Daiosis.

Long las de bilong semina, Doctor George Kuzma SVD, husat i wok long Modilon Haus sik long Madang na i tisa long Divain Wod Yuniversiti, givim tok long helpim ol long lukautim helt bilong ol pater na bruder

Em bin tok taim yumi kamap lapun, yumi mas lukaut yumi yet gut long kai kai na tu, yumi mas gat taim bilong eksasais o pilai sampela kain spot long mekim bodi na tingting bilong yumi i kamap gut oltaim.

Long de wan na tu, toktok i bin kam ap long pawa we wan wan man i gat o

Masculine Spirituality.

Long moning, Pater Phil Gibbs SVD i bin givim tok long “Masculine Spirituality” long helpim ol pater na bruder i tingim insait long wan wan pawa bilong king, profet na waria.

Ol bin go insait long ol liklik na bikipela grup long glasim n a luksave gen long pawa i stap insait long wan wan olsem man, na tu, luksave long husat man i olsem king, profet na waria. Na ol samting we o i bin bungim long laip bilong ol i save givim strong na gutpela tingting long ol.

Long apinu long namba wan de bilong seminar, Pater Thomas Perumbil MSFS bilong India, nau i wanpela leksera bilong ol seminari lain sku long Vanimo Semineri i bin givim tok long “Concecrated Life: A Prophetic Perspective”.

Long de namba tu bilong

semina, Bruder Frank Hough SM, bilong Australia, nau i wanpela profesa i tis long Divain Wod Universiti long Madan i bin givim sampela skul long helpim ol lain long semina long kontrolim imosen o piling bilong amamas o kros bilong yumi.

Wantaim Het tok, “Dealing with Emotion”, Bruder Frank bin i yusim wanpela stadi kes bilong wanpela pater husat i wokim kaunseling wantaim em husat i bin yusim eksperiens bilong em long helpim dispela Pater long kontrolim emotion bilong em.

Em bin tok painim aut bilong as long trabel bilong emosen i mekim em i luksave long em yet, na yusim strepela tingting long kontrolim imosen bilong em long laip.

Seminar i pinis long Fraide wantaim santu misa insait long Haus lotu bilong Konferens Senta.

Ol Katolik bisop agensim tilim kondom long ol skul

OL KATOLIK Bisop bilong PNG i no wanbel wantaim nupela loa long seksuel edukesen we edukesen dipatmen i mekim long daunim sik HIV na AIDS.

Ol bisop i bin autim tingtign bilong no wanbel long dispela samting in sait long bung bilong ol we ol i save holim long olgeta yia. Long dispela yia, ol bin holim bung long Vunapope long Is Nu Briten Provins tupela wik i go pinis.

Edukesen Dipatmen i wokim disisen loa long tilim ol kondom i go long ol sumatin i stap long ol sekonderi skul long dispela kantri.

Loa ya i hap bilong nupela polisi long daunim HIV na AIDS na long wankain taim tu, givim sampela kain

seksuel edukesen o skul long ol skul manki na meri.

Asbisop Francesco Panfilo bilong Rabaul Asdaiosis na Vais Presiden bilong Katolik Bisops Konprens (PNG CBC) i makim maus bilong ol bisop i tok ol Katolik skul no inap bihainim dispela loa.

“Maski loa ya we Edukesen Ministri i mekim i gat planti ol gutpela tingting long en, em no nap fosim mipela long bihainim polisi we i go agensim filosofi o plen bilong mipela long edukesesen,” Asbisop Panfilo i tok.

Long wanpela intevyu wantaim Fides Ejensi, Asbisop Panfilo i tok Katolik Sios i sambai redi long sanap long kot sapot stet i laik kisim disisen ya i go long kot.

Em i mekim klia olsem tilim ol kondom i go long ol sumatin i bagarapim tingting bilong ol sumatin na ol bai wokim pasin i no stret long slip nabaut pastaim ol i marit n a ausait tu long marit.

Asbisop Panfilo i tok long dispela rot, bai binatang bilong HIV na AIDS i kalap i go na i kam long ol na dispela bai mekim hevi i stap pinis long ol skul i go bikipela m oa.

Prinsipel bilong De La Salle Sekonderi skul long Bomana ausait tasol long Mosbi i wanbel tu long toktok bilong Asbisop Panfilo.

Em i tok sapos skul i givim bairo na buk i go long sumatin, mesej em i kisim em long go stadi.

Tasol sapos yu givim em

long kondom, em bai kisim mesej o tingting olsem go nau, yu fri long mekim samting long laik bilong yu. Dispela em i invitesen o askim long wokim bikhet pasin, Mista Ume i tok. Ol sios lida i tok kos long seks edukesen i mas kisim tinting na toktok bilong ol tisa na ol papamama bilong ol skul pikinini pastaim long dispela samting.

Pater Paul Jennings bilong Sen Josephs Intanesenel Kolis long Boroko i tok bai moa gutpela sapos polisi i mekim ol skul na ol papamama i wok gut wantaim olsem ol patna. Na i noken fosim o dairektim ol long mekim ol samting i karamapim skul long ol pikinini.



KOLIM NEM STRET

TUDE mi tingim wanpela stori bilong tupela SVD pater bilong Indonesia.

Tupela i namba wan lain misionari SVD bilong Indonesia, superia i bin salim ol i go mekim wok long narapela kantri.

Tupela i kamap long Papua New Guinea long yia 1984. Na ol i putim ol long wok misinari long Wabag Daiosis insait long Enga Provins.

Em i no pasin bilong mipela manmeri bilong Indonesia long kolim nating tupela nem bilong ol pater, o tisa o polis o manmeri i gat namba long ples. Mipela i save kolim taitel bilong ol pastaim, olsem “**Pater**” o “**Romo**” long fron bilong trupela nem bilong ol, olsem Romo Pol o Pater Pol, Romo Joe o Pater Jo. Mining bilong Pater o Romo em i “**Papa**”, **Father** long tok Inglis.

Olsem na taim tupela misinari bilong Indonesia i kamap long Wabag, tupela i kirap nogut tru na bungim wanpela “**kalsa sock**”. Manmeri na pikinini i kolim nem bilong ol stret. Ol i no kolim taitel na nem bilong ol. Nogat tru. Tupela i pilim, manmeri i nogat rispek long ol. i no bikipela manmeri tasol ol liklik pikinini tu i save singautim nem bilong ol stret.

Wanpela bilong ol nau i dai pinis em **Pater Severinus Pambut**. Taim em i kamap nupela yet long Enga, em i toksave long ol manmeri olsem nem bilong en em **Pater Severinus Pambut SVD**. **Na ol i ken kolim em Pater Rinus**”.

Em i kirap nogut tru, bikos manmeri i no kolim em **Pater Rinus**. Nogat! Ol i kolim em “**RINUS**” tasol. Planti taim em i no amamas taim em i harim ol bikipela manmeri n a ol liklik pikinini i kolim stret nem bilong em.

Em i pilim olsem manmeri o pikinini i kisim em na smesim o tromwe em long wanpela diwai o ston. Em i pilim bikipela pen tru taim em i harim menmeri o pikinini i kolim em Rinus.

Wanpela de, Pater Rinus i kam bek long wanpela austesen. Taim em i kamap klostu long stesen, planti pikinini i pilai mabel long rot. Wantu tasol olgeta pikinini i singautim nem bilong em.... **RINUS! RINUS!** Rinus! Ol i singautl amamas taim ol i lukim Pater Rinus i kam.

Pater Rinus i no amamas. Em i belhat stret. Em i stopim ka. Olgeta pikinini i amamas na kamap klostu long ka. Ol i ting Pater laik kisim ol i go long stesen. Pater i opim dua na bikmaus long ol. Em i krosim ol nogut tru na ronim olgeta pikinini. Em i tokaut, “ **Yupela liklik mangki i no save long werim trausis yet na kolim mi Rinus. Sampela bilong yupela i as nating tasol na pilai, sampela i werim lip/tanget tasol na yupela i kolim nating nem bilong mi a?**”. Em i bikmaus tru long ol na i tokim olgeta gen: “ **Nem bilong mi Pater Rinus, i no Rinus**”.

Wan wan lain/etnik grup i gat kalsa bilong ol yet. Sampela taim yumi praud long kalsa bilong yumi. Yumi amamas tru. Tasol yumi mas tingim gut oltaim. i gat sampela samting i gutpela long yumi, tasol narapela lain i no amamas. Tingim bek stori bilong mi tude. Dispela samting bai kamap gut sapos yumi lainim na soim rispek bilong yumi long kalsa na gutpela pasin bilong wan wan etnik grup. Sapos rispek i no stap, laip bilong manmeri long Papua Niu Guinea bai i no kamap gut. Visen 2050 bai i no inap kamap, bikos wan wan i no laik soim rispek long narapela narapela.



YUT KODINETA: Yut Kodineta, Peter Konga i toktok long Yut Sande selebresen long Ogelbang, Hagen Luteran Distrik. **Poto: Paulus Tali**

Papua Niugini, Kirap!

PAPUA Niugini nau i go insait long wanpela kain ples driman we i nogat mep bilong rot, na i nogat rot sain i stap long kontrolim ol kar long rot.

Nau em i taim bilong olgeta man na dok bilong en long sanap long lain long kisim hap kaikai. Dispela em i wanpela turangu stori tru, bikos mipela i stap hia na lukim ol politisen husat i no bikpela bihainim pasin tumbuna; ol i nogat pasin tumbuna, nogat kalsa, na nogat skul long laip na sindaun long PNG.

Ol em ol arere man bilong tude; ol lain husat i no save long mobeta sindaun long laip.

Ol i save long mani tasol, na wanem samting mani ken baim long wol tude.

Ol i save tasol long pawa na wei bilong yusim, long olgeta strong bilong en, bai em i bringim gutpela long man i holim.

Olsem na nau, PNG i bungim bikpela politiks na pawa pilai long kisim pablik mani na long pilim pawa ol bai holim taim ol i yusim dispela mani long lukautim ol yet.

Em i no samting bilong God na Satan. Mipela long hia, mipela i gat ol Satan i wok pait long kisim mani.

Mipela wok lukim ol lain i nogat gutpela bel husat i wok yusim pawa ol i holim long kisim pablik mani na yusim long laik bilong ol yet.

Ol liklik manmeri i mas luksave olsem ol i nogat wasman moa. Olsem na wanem kain pablik tok tok ol dispela politisen bilong tupela sait wantaim i mekim na tok ol i sanap long strongim tok



tru, em i giaman tasol.

Samting mipela i lukim nau, em i wanpela pait long pawa namel long O'Neill sait na Somare sait.

Isiu, i no sapos wanpela i satan moa long narapela. Isiu i no long wanem sait i mas suvim han i go long paus bilong pablik. Na nau, O'Neill na ol boi bilong em i wok long traim long mekap long hamas yia ol i no dring wara, na nau ol i wok pinisim paus i stap.

Noken lus tingting olsem ol i bin tromoi K500 milian insait long 90 de tasol, bihain long ol i kisim gavman.

Bihain, ol i givim mipela fri edukesen, bai mipela i ken pasim ai na larim ol i mekim long laik.

Dispela nau em i bikpela hevi.

Yumi mas luksave olsem ol dispela lain bai givim mipela mani long pasim maus, bai mipela i ken pasim ai long wanem kain pasin stil ol i mekim.

Mipela askim ol Papua Niugini manmeri. Plis, noken aipas long wanem liklik fri edukesen ol i givim long yu. Yu mas skelim yu yet, ol astingting na bilip bilong ol olsem ol memba bilong Papua Niugini komyuniti we ol i tok ol i stap insait long en.

Olsem, sapos ol i tok ol i Sepik, orait, askim ol

long soim ol mak bilong pukpuk long baksait bilong ol. Mipela pret liklik olsem dispela nupela pasin em bilong mani na holim samting tasol, na wanem kain samting O'Neill gavman i ken givim long sait bilong ples graun.

Ol dispela em ol tru tru tes yu ken mekim long sekim ol dispela lain. Sapos nogat, ol i mas memba bilong ol lain we astingting em 'strong bilong wan wan', we ol strongpela bai kilim ol liklik, long kisim ol samting bilong ol yet.

Hailans pasin bilong mipela tu em i gutpela piksa bilong wanpela so-saiti bilong pipel husat i save strong long taim sindaun i bagarap. Ol i save pait, kukim haus, kilim man, na sindaun i no save gutpela oltaim.

Ol Papua Niugini manmeri, yumi mas was gut.

Toksave i go pas pinis.

Pastaim, Suprim Kot i givim ruling long 12/12/2011, olsem rausim bilong Sir Michael long opis bilong praim minista, i no bihainim lo; makim bilong Peter O'Neill olsem PM i no bihainim lo; na Suprim Kot i tok moa olsem Sir Michael i mas kisim bek wok bilong em olsem Praim Minista tru.

Dispela i no kamap, bikos O'Neill na ol lain bilong em i wok blokim olgeta rot bilong Sir Michael long kisim bek pawa.

Olsem na mipela mas askim nau: Husat em i tok tru, na husat i strong nating?

Sore tru, i nogat isi bekim long dispela askim.

Sapos yumi stat wantaim Suprim Kot disisen, mipela bai tok olsem Sir Michael i tok tru, na

Peter O'Neill i strong nating.

Tasol long de Suprim Kot i mekim disisen (12/12/2011), Palamen i sindaun na makim gen O'Neill olsem PM, bihain long disisen i kamap, na bihain long ol i oraitim ol senis long NEC na Praim Ministas Ekt.

Olsem na O'Neill na ol lain bilong em i tok olsem ol i tru tru gavman, bikos long 12/12/2011, ol i tok oraitim senis long lo, na go moa long makim gen O'Neill olsem PM.

I olsem: Ol i tok olsem ol i luksave long disisen bilong Suprim Kot, long 12/12/2011, tasol ol i go het pinis long sekim loa, na em nau, ol i makim bek O'Neill olsem PM.

Dispela, em i pulap tru long planti askim.

Long wanpela sait, Suprim Kot i tok O'Neill em i PM tru; na Kot i tok olsem Sir Michael em i tru tru PM.

Nau mipela i harim olsem Dokta Allan Marat, em Atoni Jeneral, i failim wanpela Spesol Referens na askim Suprim Kot long opim bek olupela kes i bin go long Suprim Kot, bai i gat rivi long en.

Mipela no inap tok sapos nupela Kot Kes bai autim ol nupela samting o nogat. Na bai ol i mekim wanem sapos Suprim Kot i ripitim o givim wankain oda olsem em i givim long 12/12/2011?

Ol bai pasim narapela loa i rausim Suprim Kot disisen na makim gen O'Neill olsem PM namba tri taim?

Olsem na nau, mipela i askim: Husat i wok long daunim huk? Somare na lain bilong em, o O'Neill na ol boi bilong em?

Na las tru bilong dis-

pela wik, ron i go antap long Gavman Haus maunten long traim daunim banis na singsing, "We Shall Not Be Moved", long traim long rausim Somare na ol lain bilong em long Morauta Haus, em i no kain pasin bilong ol 'nesenel lida' bilong wanpela kantri.

Em i wanpela rabis, pipia pasin we i soim tru mak bilong wanpela kain bilip na tingting bilong ol dok long rot.

Mipela tok long O'Neill na ol lain bilong em: Sapos yu no inap long stretim pablik piksa yupela i gat nau, em yu westim taim na mani bilong yu long baim pablik sapot.

Ol pipel i no aipas olsem yu tingim long tingting bilong yu.

Ol i ken luksave yu wanem kain man.

Yu nogat inap strong na save.

Yu laikim stap long pawa, yu mas kwiktaim stretim pablik piksa bilong yu. Ating i mobeta yu kamapim wanpela Dipatmen bilong Pablik Rilesens, na salim wanpela mobeta klinpela piksa, we i mobeta long dispela doti piksa yupela i wok long soim i kam inap nau.

Laip em i samting tru i stap baksait long piksa nating.

Laip i no bilong strongim biknem.

Laip, long as tru bilong en, em i samting i stap baksait long biknem.

Long ol lain i stap nau, na ol lain i bin stap pastaim long ol, em i samting bilong biknem, we i nogat kirap bilong en. Em i samting bilong kisim mani bilong pablik, na yusim long laik.

Em i samting bilong stilim pablik mani tasol.



Jada 012

Resis bilong kamap Praim Minista i op

RESIS bilong kamap Praim Minista bilong Papua Niugini i sanap ples klia pinis bihain long nesenel ileksen long mun Julai.

Long kamap Praim Minista em yumi save olsem politikel pati husat i winim moa sia long nesenel ileksen tasol bai go pas long kamapim Gavman na lida bilong dispela pati bai kamap Praim Minista. Dispela em lo bilong yumi aninit long Integriti ov Politikel Pati na Kendidet Lo.

Bikos nesenel ileksen i kamap nau, yumi bin lukim pinis olsem ol pati lida i putim han go antap long resis long dispela sit bilong Praim Minista. Tasol ol i no inap kisim dispela sia nating inap pati bilong ol i winim moa sia long ol arapela.

Ol pati lida husat laik winim moa sia na kamap Praim Minista em Belden Namah husat em Deputi Praim Minista nau na lida bilong PNG Pati, Sir Michael Somare olpela Praim Minista na lida bilong Nesenel



Alaiens pati, Peter O'Niell nau Praim Minista na lida bilong Pipels Nesenel Kongres pati, Don Polye husat em minista bilong Treseri na lida bilong THE or Traiam Herites Pati, Gavana bilong Enga Provins Peter Ipatas na sampela nupela pati nau i kamap. Ol lida bilong ol nupela pati olsem Garry Juffa husat em biknem Kastoms Ofisa, Gren Sief Ila Geno husat em olpela Sief Ombudsmen Komisina na olpela Deputi Polis Komisina bilong Papua Niugini.

Sapos yumi skelim gut, ol pati husat i gat pawa na strong nau long pait strong insait long dispela nesenel ileksen long winim ol sia em PNG Pati, Nesenel Alaiens (NA), THE pati na PNC pati. Ol dispela pati em yumi

ken lukim olsem ol geta strong long sait bilong risos, ol gat moa gutpela kendidet na ol lida i stap pinis na ol bai kam wantaim pawa na nois bikos ol gat mani na bisnis long sapotim ol.

Narapela tu em ol gat pawa long winim ileksen bikos ol lida bilong ol i gat nem na bikipela rekot long kantri we ol pipel i save long en. Na dispela em wanpela bikipela eria ol pipel i gat rispek long sapotim ol long winim ileksen tu.

Yumi save pinis olsem ileksen long Papua Niugini i no save liklik samting. Olgeta pipel i save mekim nois long en bikos ol bai sapotim tru ol lain o kendidet bilong ol long win.

Tru tumas ol lida o kendidet husat i gat pawa na mani bai mekim bikipela eksen tumas winim ol arapela kendidet na dispela ken pulim tin gting na sapot bilong ol pipel.

Tasol bikipela toktok i stap pinis olsem yumi ol pipel mas vot long laik na tingting

bilong yumi yet na nogat man bai pusim yumi long votim husat. Em laik bilong yumi stret long makim lida.

Oraityumi lukluk long husat bai kamap Praim Minista bikos klostu 5-pela biknem lidaman i putim han go antap pinis long holim dispela sia. Nau em yumi ol pipel yet mas skelim husat tru inap kamap gutpela Praim Minista bilong ranim kantri bilong yumi.

Sapos nogut Praim Minista, sore bai yumi bungim planti hevi long kantri bilong yumi long bihain taim bikos planti wok na ron bilong kantri bai go krangi na yumi ol pipel bai bungim pen stret long sindaun bilong yumi.

Amamas bilong kisim dispela bikipela sia bilong kantri em wanpela samting. Tasol long lukautim pipel na kantri em narapela samting. Na dispela i no liklik wok o isi samting. Em sia bilong pipel na pipel mas stap pas long olgeta tingting na disisen bilong Praim Minista na gavman bilong em.

WANTOK KOMENTRI

Taim bilong giaman na longlong

YUMI olgeta i harim ol pani stori bilong kempen taim long ileksen yia.

Ol stori we planti ol hauslain na lain long wanples i save tok, em i taim bilong fri kaikai na dring.

Tru tumas, bai yumi lukim planti kain paul na spak pasin i kamap.

Ol manmeri husat i save lukautim ol bikipela abus olsem pik, em nau, long planti hap long kantri, ol manmeri i sindaun mauswara stap, bikos ol i save olsem dispela taim em i taim bilong 'kaikai pik'.

Bai yumi lukim ol stua kaikai i pulap kapsait long baksait bilong ol bikipela kar. Long taim bilong kempen, bai yumi lukim ol manmeri i brum i go bihainim ol lokol lida i tromoi samting long pulim tingting na vot bilong ol.

Stat long neks wik na i go inap long pinis bilong ileksen na kaunim vot, bai sampela manmeri i no inap silip gut.

Planti bai bihainim ol memba na lida i go kam, long traime kisim liklik toea bilong ol.

Ol pik na kakaruk fama bai mekim bikipela winmani tru long kain kain bikipela bung na kaikai bai kamap long ol ileksen rali bilong ol politikal pati.

Tasol, i gat planti ol arapela samting tu bai kamap.

Kain kain man na meri bai kam long haus dua bilong yu wantaim kesmani long traime holim strong sapot bilong yu.

Noken abrus.

Vot em i no samting nating.

Aninit long mama loa bilong yumi PNG, vot em i rait bilong yu.

Em i rait we nogat wanpela arapela i ken kisim long yu. Em i no samting yu ken givim long arapela manmeri long tromoi makim yu.

Nogat.

Kempen taim, em i taim bilong wanwan lida i sanap resis, long tromoi tok pisin bilong em, na kliarim tingting na laik bilong yu long makim em long kamap lida long faivpela yia bihain.

Watpo bai yu pasim ai na tromoi gutpela bel bilong yu long kaikai wanpela 50 o 100 kina kesmani?

Watpo bai yu kaikaim mani na kaikai bilong ol giaman man, na long faivpela yia bihain, bai yu nogat gutpela rot, na pikinini bilong yu bai no inap skul gut?

Yumi olgeta i mas skelim gut ol lida i laikim vot bilong yumi.

Prais o manimak bilong vot bilong yumi, em i antap tumas. Husat manmeri i laikim, i mas wanpela gutpela manmeri, husat i ken lukautim yumi, na famili, na komyniti bilong yumi.

Em i mas trupela manmeri.

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD

Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager

Elizabeth Konga

Editor

Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TOK PISIN NEWS
from Radio Australia

radioaustralia.net.au



Harim TOK PISIN long
Radio Australia
101.9FM
Port Moresby

Tok Pisin Service

6am - 7am **6080; 7240(KHZ)**

7pm - 9pm **5995; 6020; 9710; 1280(KHZ)**

Ol lida long Gris i mekim ol laspela wok-traim bilong kamapim gavman

PRESIDEN bilong kantri Gris (Greece), Carolos Papoulias, bai holim ol miting wantaim tripela bikpela pati long traime kamapim wanpela koalisen gavman.

Papoulias bai bungim ol lida bilong tripela bikpela pati long traime kamapim wanpela koalisen gavman na ol i noken holim nara-pela ileksen.

Tripela pati i bin winim bikpela namba bilong vout long Sande las wik ileksen, tasol ol i sot long kamapim wanpela bung gavman o koalisen.

Ol wok painim i soim narapela ileksen bai larim 'far left pati' i win na dispela bai bagarapim mem-basip bilong Gris long Eurozone.

Presiden bilong Yuropien Komisen, Jose Manuel Barroso, i tok sapos Gris i laik stap insait long Eurozone, em i mas soim rispek long ol loa bilong en.

Bris i bruk pundaun insait long Saina bihainim bikpela ren

DISPELA birua i bin kamap insait long Hunan provins bilong Saina.

Wanpela bris long Hunan provins bilong Saina i pundaun bagarap bihainim bikpela ren long kantri.

Ol reskiu lain i kamap pinis long eria, tasol ol i no save yet long hamas pipel i bin stap antap long bris taim em i pundaun i go daun long wara.

Ol i bilip 40 pipel i dai pinis insait long dispela bikpela ren na strong-pela win insait long Saina insait long dispela de i kam go pinis.

Samting olsem 3 na hap tausen swam, ren na win i bagarapim na samting olsem 29 tausen pipel nau i stap long ol imejensi senta.

Su Tao, wanpela mausman bilong Paia dipatmen long hap i tokim Xinhua nius ejensi olsem ol witnes o lain i lukim stret, i tok ol i bin lukim ol pipel i pundaun taim bris i bruk.

Em i tok sampela pipel i bin swim i go long nambis bihain long ol i pundaun long wara.

Saina i tok em i no redim ami long pait wantaim Filipins

SAINA i tok em i no redim ami long pait wantaim Filipins long



LUSIM MITING: Ol Grik Pasok lida i wokabaut lusim miting long wokbung wantaim.

kros long Saut Saina Si.

Belhat namel long Filipins na Saina i wok long kamap bikpela, stat long ol i bin painim na holim ol bot bilong Saina long ailan long mun i go pinis.

Saina i tok olgeta Saut Saina Si em i sindaun antap long bikpela oil risev, na em bilong em, tasol Filipins i tok em i teritori na solwara bilong em.

Difens ministri bilong Saina i tok i no tru em i stap redi long pait.

Tru ol woning i wok long kamap long ol media lain bilong gavman long kantri i redi long pait bilong pinisim kros long ol ailan long Saut Saina si.

Saina i bin holim kalabus ol Filipin frut em ol i save salim i go long Saina, na tok em i gat ol binatang long en.

Ol niuspepa long Manila i bin ripot long planti bokis banana bilong Filipins i go bagarap long ol ples insait long Saina.

Dairekta bilong Plent Indastri opis, Clarito Barron, i tok nau Saina bai strongim wok long ol opisa bilong en i mas sekim gut ol bokis frut i save kamap.

Mista Barron i tok dispela i kamapim bikpela hevi nau long dispela indastri.

Long yia i go pinis, Saina i bin baim 300,000 tan hevi long ol

bokis banana bilong Filipins em prais bilong en inapim \$60 milian.

Filipins Daily Inquirer niuspepa i tok Stephen Antig, presiden, i tok mani em ol i lusim long ol banana eksport i kamap olsem \$US236,000.

Em long wanem banana i save bagarap kwik bihain long tripela de.

Ol kworentin opisa bilong Saina i bin tokim Filipins olsem olgeta banana i kamap long kantri bai ol i sekim ol gut bihain long ol i bin painim ol binatang long ol long mun Mas.

Ol Filipins i wok long sakim tok-tok bilong Saina long em painim ol binatang long ol frut.

Em i tok ol binatang ol i painim long mun Mas em i save stap long kokonas, na i no long banana.

Solomons i redi long Arts festival na rausim ol liklik haus long siti

HONIARA Siti Kaunsel i stat pinis long rausim ol liklik haus em ol pipel i save bildim klostu long Honiara siti.

Kaunsel i tok em i mekim dispela wok bilong klinim taun pas-taim long Festival ov Ats em bai

kamap long Solomon Ailans long mun Julai, dispela yia.

Ol i bin go het long rausim ken sampela moa haus long siti, long dispela wik.

Lod Meya bilong Honiara Siti Kaunsel, Israel Maioli, i tok dispela wok bilong rausim ol dispela haus i bin stat yet long mun Mas long dispela yia.

Australia i noken ting em i bosim Pasifik

WANPELA SIF na namba wan Presiden bilong Vanuatu i tok em i sapotim tingting bilong gavman long rausim ol Australia Federal Polis (AFP).

Ati George Sokomanu i mekim dispela toktok bihainim pasin em Vanuatu gavman i bin mekim long rausim ol AFP opisa long Vanuatu dispela wik.

Vanuatu i bin rausim ol dispela polis opisa long kantri long wanem, ol Australia gavman opisa i no bin luksave o rispektim Vanuatu Praim Minista Sato Kilman, na mekim em olsem wanpela man nating long Sidni ples balus long mun i go pinis.

Mista Sokomanu i tok tu olsem dispela em i no namba wan taim em Australia i mekim kain pasin

olsem, long wanem em i bin mekim wankain pasin agensim PNG Praim Minista bipo, Sir Michael Somare.

Ol politisen i mas go pas long tok-tok moa long helt: Profesa

HAT WIK o wik bilong tingim lewa, long Australia i strongim dispela singaut olsem ol Pasifik palamen memba i mas mekim moa long ol aweanes kempen bilong ol sik long lewa.

Dispela wik, stat long Sande 6 na pinis long dispela wik Sande 13, em i Hat Wik long Australia.

Australia i gat planti ol wok kempen na toksave na halivim i stap.

Dispela wik em wanpela piksa olsem ol pipel i mas save gut sapos wanpela famili memba o man o meri i bungim hat atek, bai ol i mekim wanem?

Long Pasifik Rijen, dispela ol awenes na hat kempen i no planti tumas.

Profesa Nakapi Tefurani, PNG Spesolis Kodineta bilong Kadiak na Profesa bilong Pikinini Helt Disaplin long Yunivesiti bilong Papua Niugini i tokim mipela, em i wok bilong olgeta pipel na ol politisen long mekim.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

RADIO AUSTRALIA TOK PISIN PROGRAM
HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Spots
7.30PM Nius na Karen Afecas
8PM Helt
8.15PM Musik
8.30PM NIUS
8.40PM Spots Riplei
8.53PM Musik
9PM Stesen Pas

TUNDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afecas
8PM Mama Graun
8.15PM Musik/Spots
8.30PM NIUS
8.40PM Helt Riplei
8.55PM Musik
9PM Stesen Pas

TRINDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afecas
8PM Foas
8.15PM Musik/Spots
8.30PM NIUS
8.40PM Mama Graun Riplei
8.53PM Musik
9PM Stesen Pas

FONDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afecas
8PM Youth
8.15PM Musik/Spots
8.30PM NIUS
8.40PM Foas Riplei
8.55PM Musik
9PM Stesen Pas

FRAIDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afecas
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Radio Plei)
8PM Lukluk Bek Long Wik
8.30PM Nius
8.40PM Musik/Chit Chat
9PM Stesen Pas



Raun wantaim Wantok kru ...

Diwai ken mekim
kainkain saun.

Dispela kain em olsem ol
mambu bilong yumi, taim yu
katim longpela na saisim i
kam sot, dispela bai givim
kainkain musik saun. Ol
Buka na Madang i save gut
tru long tiunim ol dispela
mambu long kamap gutpela

Long dispela piksa, em

POTO STORI: Nicky Bernard.

93FM YUMIFM				
National Weekly Hit Parade:				
Produced & Host by: Kasty				
Satisfies: Tahaiga Sophie & Poroman Crew				
Week Ending: Saturday – 28 th April 2012				
Week Before	Last Week	This Week	Charting Song:	Artist:
3	3	1	Black Baby Lewa	Chris Sime ft Nathan Nakihus & Bready Bones
1	1(6)	2	Sarefata	Garry Vailhua ft Jagghy
2	2(6)	3	B.K	Unique ft Jay Rossou
4	4	4	Satisfy	Sibela Band ft Vanessa Potul
5	5	5(4)	Old Muta Medley	Garry Vailhua
6	6	6	Why yu lusim mi go	B-Rad
7	7	7	Me found love	Jokema
13	10	8	Fallen Angel	Waleas of Pangia
8	8	9	My People	Jah'varnz ft P-Naka
18	17	10	Ene hog moraka	Butak
11	11	11(4)	Angie Girl	Logic Crew ft Isaac Yama
9	9	12	Fesuu Nakutua	Tevara B Gravity / James Sime
15	14	13	Mi laikim yu stap	Iden-tical
17	15	14	Lewa	Iden-tical B Webster & Mickey
10	12	15	Orchid V-Las	Leonard Kanla
12	13	16	Lewa	Klous Maki B Channel X Crew
0	18	17	Waipa Beat	Hayson Agema
0	19	18	Dizz	Rodney Pokapole B Delma Mimi
0	0	19	Sentrex Mori	Strive
16	20	20	Hidden Valley	Butak
	Swag	In:	Sentrex Mori	Strive
		Out:	Klari	Reggie ft Twin Tribe

EMTV Television Guide

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 – 9:40 GRADE 7 MATHEMATICS
9:50 – 10:30 GRADE 7 SCIENCE
10:40 – 11:15 GRADE 8 MATHS
11:20 – 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1PM – 3PM CLASSROOM BROAD-
CASTS continues.....
1:00 – 1:40 GRADE 6 MATHEMATICS
1:50 – 2:30 GRADE 6 SCIENCE
2:30 – 3:00 DEPI
3:00 PM G KIDS KONA
3:00PM – DORA THE EXPLORER
3:30PM – NEW MACDONALD'S FARM
4:00PM – THE SHAK
4:30PM – KITCHEN WHIZ
4:57 PM G EMTV TOKSAVE
5:00 PM PGR CIRCUS "A Show of
Force" premiers.....
6:00 PM G NATIONAL EMTV NEWS
7:00 PM G RAIT MUSIK
8.00PM G RESOURCE PNG

5:00 AM G JOYCE MEYER
5:30 AM G TODAY
9:00 AM G CLASSROOM BROADCAST
9:00 – 9:40 GRADE 7 MATHEMATICS
9:50 – 10:30 GRADE 7 SCIENCE
10:40 – 11:15 GRADE 8 MATHS
11:20 – 12:00 GRADE 8 SCIENCE
12:00 PM G MIDDAY NEWS UPDATE
12.30 PM AUSTRALIAN NETWORK
1PM – 3PM CLASSROOM BROADCASTS continues.....
1:00 – 1:40 GRADE 6 MATHEMATICS
1:50 – 2:30 GRADE 6 SCIENCE
2:30 – 3:00 DEPI
3:00 PM G KIDS KONA
3:00PM – DORA THE EXPLORER
3:30PM – NEW MACDONALD'S FARM
4:00PM – THE SHAK

6:00 AM STATION OPENS
7:00 AM G WAYBULOO
7:30 AM UNTIMATE GUINNESS
WORLD RECORDS
8:00 AM G SILPHA'S YOGA
8:30 AM G AUSTRALIA NETWORK
4:30 PM G TRICKY TV #13
5:00 PM G CIRCUS
6:00 PM G NATIONAL EMTVNEWS
6:30 PM G TBA

5:00 AM G SUPER 15 RUGBY
Crusaders vs. Blues "Repeat"
7:00 AM G HILLSONG
7:30 AM G CHIT CHAT
7:35 AM G BLISSFUL BLOSSOM
8:00 AM G SILPHAS YOGA
8:30 AM G AUSTRALIA NETWORK
10:00 AM G RESOURCE PNG
11:00 AM G AUSTRALIA NETWORK
12:00 PM G SUPER RUGBY
Reds vs. Lions
2:00 PM G NRL ROUND 11
Sear Eagles vs. Rooters

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 – 9:40 GRADE 7 MATHEMATICS
9:50 – 10:30 GRADE 7 SCIENCE
10:40 – 11:15 GRADE 8 MATHS
11:20 – 12:00 GRADE 8 SCIENCE
12:00 AM G MIDDAY NEWS UPDATE

TORO



BIABIA



KANAGE



TOKWIN

Blek aut paulim planti lain
BLEK aut long sampela hap long Mosbi long Tunde nait i go inap moning, sampela manmeri long sifi gat wok long bikpela moning long Trinde na taim ol kirap long bet, ol ting olsem lait kam bek pinis.
Planti nogat was na go wok long wanem ples bilong waswas i tudak, sampela ol painim hat long anim klos na putim wanem klos i gut-pela long ai bilong ol.
Wanpela papa tu i paul long soks bilong em na kisim wait skul soks bilong pikinini bilong em, na karim

wantaim su bilong em go long kar, taim em laik putim em painim aut olsem soks bilong pikinini bilong skul. Em putim su nating inap long avinun, em tu i no ring long haus long toksave, em poret long meri bai paia long em.

Tai map bilong ol Memba

DISPELA Fraide, em bai ol-geta memba bilong yumi bai kamap wankain manmeri olsem yumi. Dispela pawa ol gat long en bai pinis long 4-kilok long avinun.
Planti bai go bek long ples bilong ol na grisim ol pipel long ples long makim ol gen long kisim dispela pawa gen. Bipo ol manmeri long ples

save paul long giaman gris toktok bilong ol manmeri husat laik resis long ileksen, tasol nau planti save pinis long giaman toktok bilong ol manmeri husat laik resis.
Dispela ileksen bilong dispela yia, planti bilong ol yangpela manmeri bai resis long en, long wanem dispela bai lukim save bilong ol olupela lain na ol yangpela lain.
Planti bilong yumi nau bai was gut tru long ol mani na ol samting bilong ron long dispela 3-pela wik bilong kepen. Tok nau ol manmeri long rot mekim em, yumi kaikai tasol wanem tingting na wanem manmeriyumi lai makim em rait bilong yumi, em trupela tok.
TOKWIN TASOL

K	U	N	A	I	K	K	A	B	I	S	K	I	I	A	U	B
E	T	U	R	A	I	S	A	D	F	H	O	U	S	E	A	M
B	C	A	S	D	P	T	R	K	A	D	K	I	M	K	K	A
A	D	C	P	W	O	A	T	U	A	J	O	I	L	U	M	R
N	H	R	E	I	P	I	I	C	S	O	N	S	O	K	E	I
A	H	V	A	D	O	V	O	N	E	R	A	M	F	A	N	T
N	F	H	I	I	D	O	U	L	A	U	S	H	J	M	E	A
A	P	O	B	S	C	B	N	M	K	P	L	I	E	B	K	P
K	O	N	I	P	I	T	P	I	T	Q	E	T	G	A	M	D
B	I	L	K	H	D	S	A	C	N	I	N	R	A	M	A	A
I	S	C	A	N	I	E	N	I	O	E	R	N	L	M	P	K
N	A	S	D	F	H	J	K	L	M	N	O	I	P	I	A	
J	K	V	A	M	B	O	I	E	S	K	A	I	P	A	K	C
D	I	R	T	V	I	O	M	M	L	P	O	T	E	T	O	P
R	P	L	A	U	L	A	U	E	N	C	R	E	A	N	V	K
I	O	R	F	C	E	W	I	N	M	A	N	G	O	T	O	P
P	K	O	P	R	A	P	K	A	W	A	W	A	R	S	A	M

Painim ol dispela nem bilong ol diwai prut na gaden laikai:

KUNAI	BANANA	BIN	BUAI	MARITA
DACA	KAPIAK	KABIS	TAPIOK	POPO
KAKAO	KOKONAS	DRAI	KULAU	GALIP
DRIP	KOPRA	KOPI	KON	PAINAP
KUMU	KUKAMBA	PITPIT	KAWAWAR	POTETO
AIBIKA	YAMBO	LAULAU	MANGO	PAMKEN
MELEN	MON	ANIAN	MULI	RAIS

				1	4	3										
1	5			7					2						3	
		6			9	5					7					
	8	4							6							
2		5							4					7		
		7							9	5						
	9			4	3				7							
6		3				2					8	9				
				9	8	6										

1	7	4		3	8	9		6	2	5						
3	8	6		7	2	5		1	4	9						
9	5	2		4	1	6		8	7	3						
8	4	9		1	3	7		2	5	6						
6	2	1		5	9	4		7	3	8						
5	3	7		2	6	8		9	1	4						
4	1	8		9	7	3		5	6	2						
7	9	3		6	5	2		4	8	1						
2	6	5		8	4	1		3	9	7						

Ansa bilong las wik Sudoku

Ansa bilong las wik Pasol

M	M	U	S	M	U	S		L	P		B	I	N	E	N	
M	U	M	U	T				N	A							
R								A	L	U						L
U	K							T	A	S						E
K		D	O	N	K	I	N	I								B
P	U	S	I					A	P							E
								R	I							K
K	S	I	P	S	I	P		O	N	A						O
A								S	A	P						B
U	K							T	O	P						K
								A	S	A						A
D	O	K		P				N	A	U						L
K	A	K	A	R	U	K			G	R	L	G	B	A		
A	N	I	S													B

EMTV Television Guide

12:05 PM AUSTRALIAN NETWORK
1PM - 3PM G CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER
3:30PM - NEW MACDONALD'S FARM
4:00PM - THE SHAK
4:30PM - KITCHEN WHIZ
4:57 PM EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
5:55 PM CRIME STOPPERS
6:00 PM G NATIONAL EMTV NEWS
7:00 PM G NRL ROUND# 10
Panthers vs. Dragons - Live/CH.9
8:57 PM G EMTV TOKSAVE
9:00 PM G TOK PIKSA
9:30 PM G SPORTS SCENE
10:00 PM G SUPER 15 RUGBY

Reds vs. Chiefs "Replay"
12:00 AM G EMTV NEWS REPLAY
1:00 AM AUSTRALIAN NETWORK

TUNDE 22 Me, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS
9:50 - 10:30 GRADE 7 SCIENCE
10:40 - 11:15 GRADE 8 MATHS
11:20 - 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1PM - 3PM CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER

3:30PM - NEW MACDONALD'S FARM
4:00PM - THE SHAK
4:30PM - KITCHEN WHIZ
4:57 PM G EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
6:00 PM G NATIONAL EMTV NEWS
7:00 PM G HAUS & HOME
7:27 PM G EMTV TOKSAVE
7:30 PM THE VOICE S1
Performances Part 1
9:30 PM G FUNNIEST HOME VIDEO SHOW
10:30 PM EMTV NEWS REPLAY
12:00 PM Australia Network

TRINDE 23 Me, 2012

5:00 AM G JOYCE MEYER.
5:30 AM G TODAY
9:00 AM GCLASSROOM BROADCAST
9:00 - 9:40 GRADE 7 MATHEMATICS

9:50 - 10:30 GRADE 7 SCIENCE
10:40 - 11:15 GRADE 8 MATHS
11:20 - 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1PM - 3PM CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER
3:30PM - NEW MACDONALD'S FARM
4:00PM - THE SHAK
4:30PM - MR. MAKER
4:57 PM G EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
557 PM G CRIME STOPPER
6:00 PM G NATIONAL EMTV NEWS
7:00 PM G THE WORLD AROUND US
- The War Reporter
8:00 PM GULTIMATE GUINEAS
WORLD RECORD

8:30 PM G THE SECRET MILLIONAIRE S1 - EP#6/6
9:30 PM SURVIVOR Returns.....One World
The 24th Edition of the reality series strands 18 castaways on a single Samoan beach, where they are divided into all-male and all-female tribes to vie for the \$1 million top prize.
10:27 PM G EMTV TOKSAVE
10:00 PM G NRL ROUND 10 HIGHLIGHTS
10:30 PM G EMTV NEWS REPLAY
11:30 PM - Australia Network - NEWS REPLAY

Program bai senis long taim bilong en..



NEM: Ludwick Monduk
KRISMAS: 25 (man)
ADRES: C/- Clerance Kombukun, PO Box 302, Kimbe, West New Britain Provins
SAVE LAIKIM: Rit, mekim pani, wok, pilai, harim musik, lukim TV na mekim poroman.

NEM: Monita Raio
KRISMAS: 22 (meri)
ADRES: Lae Ever Green, PO Box 167, Lae Morobe Provins
SAVE LAIKIM: Go Lotu, RitimBaibel, pilai gita, singsing, mekim poroman, pilai ol bol gem, wok long gaden, wasim ol klos na raitim pas.

NEM: Womie Ben- Efore
KRISMAS: 26 (man)
ADRES: C/- Christ For The Nations, PO Box 1332, Lae, Morobe Provins PNG
SAVE LAIKIM: Lainim tok ples, senisim presen, harim musik, gaden na painim wanpela poromeri long stap wantaim oltaim.

NEM: Aweqwii de Paps
KRISMAS: 24
ADRES: K- Toro Hire Cars, PO Box 111, Vanimo, Sandaun Provins
SAVE LAIKIM: Go Lotu, ritim ol buk o niuspepa na mekim pren.

NEM: Gitfty Ocloo
KRISMAS: 34 (meri)
ADRES: PO Box 35, Agona Nyakrom, Ghana - Phn: 0023354787139
SAVE LAIKIM: Raitim pas, painim wanpela man long maritim na stap wantaim oltaim.

NEM: Shirley Hori
KRISMAS: 18 (meri)
ADRES: Marinumbo Primary School, PO Box 352, Wewak, East Sepik Provins
SAVE LAIKIM: Harimm, danis, kuk, wasim klos, pilai spots, Go Lotu, mekim pani na go swimming

NEM: Sharon Tatapai
KRISMAS: 15 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Go Lotu, lukluk CD na pilai spots.

NEM: Nasain Calvin
KRISMAS: 14 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Pilai Spots, Go Lotu, Lukim CD na rit planti

NEM: Karl Pewa
KRISMAS: 30 (man)
ADRES: Semoroks Gospel Club, PO Box 3368, Lae, Morobe Provins.
SAVE LAIKIM: Stap wantaim Jisas, Pilaim gospel musik na laikim kristen Lutheran meri o arapela sios meri husat igat strongpela tingting long pilaim musik bilong God.

NEM: Darren Calvin
KRISMAS: 15 (man)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Lukim CD/Pilai Spots na Ridim buk

penprenkanagelaipain

Raun wantaim Kanage olgeta wik

Kanage selebretim midia fridom de long las wik Me 5..Em de olgeta midim indastri toktok strong long fridom bilong midia.. Kanage em sanap strong na protes...



Plis, mi laikim helpim

Dia Laipain

MI wanpela yangpela man i gat 25 krismas, na mi gat wanpela gelpren i gat wankain krismas olsem mi tu.

Mipela i save mekim ol samting wantaim. Em ol samting olsem spak, smok, kaikai buai na go long ol naiklab. Ol famili bilong mitupela i no save olsem mitupela i raun wantaim na olsem, mitupela i hait na mekim ol samting.

Wanpela nait mi bin spak na mi slip i stap taim gelpren bilong mi i spak tu na i kam kamap long mi long biknait.

Mi no klia em i kam insait long haus olsem wanem na famili bilong mi i no lukim em, tasol ol spaklain i ken mekim ol kain samting we yu no inap bilipim. Mitupela i bin slip wantaim, tasol bipo tulait i bruk, mi kisim em i go bek long haus bilong em pastaim ol famili memba bilong mi i kirap.

I go i go na em bin gat bel na karim pikinini man. Dispela i mekim kamap long ples klia prensip bilong mitupela. Ol papamama bilong mitupela i kros stret long sikret prensip bilong mitupela na nau, ol papamama bilong meri i laikim bai mi mas maritim em na lukautim pikinini.

Tasol taim mitupela i poroman raun, meri ya i wok long raun wantaim ol narapela man tu. Olsem na mi no klia sapos dispela bebi i pikinini tru bilong mi. Mi laikim bai mipela i wokim DNA tes long mekim klia olsem em i tru bebi i bilong mi.

Meri i les long mipela i kisim DNA tes na em i strong olsem mi papa bilong bebi. Tasol papamama bilong mi i no laikim mi maritim dispela meri na lukautim pikinini we mi laikim tumas, maski mi wokim ol kain toktok.

Antap long dispela, papamama bilong mi i makim wanpela gel long ples bilong papa bilong mi bai mi maritim. Mi no laik maritim dispela meri ol i wok long makim long mi taim mi no stretim yet hevi mi stap yet long en.


Laipain, mi laikim helpim na gutpela toktok long strongim mi long stretim hevi mi stap nau long en, plis helpim mi.

Spakman long krosrot

Dia Pren

Mipela i luksave long pas yu salim i kam long mipela long Laipain na tokim mipela long kain stap yu gat long em nau. Long pas bilong yu, yu askim Laipain sapos em i ken helpim yu long stretim hevi yu gat long en.

Yes pren, mipela i ken helpim yu long givim yu sampela gutpela toktok i ken



helpim yu, ol tingting yu ken skelim na mekim samting long helpim yu wantaim ol wari yu tokim mipela long en. Olgeta manmeri, maski ol i liklik, ol i turangu o ol risman i save bungim hevi bikos long ol kain disisen ol i mekim na ol kain sindaun ol i stap long en.

Wantaim dispela toktok, mipela i skelim gen ol toktok yu mekim long en long raun wantaim dispela yangpela meri, ol papamama i no save, tasol bihain gel ya i karim pikinini, ol samting i kamap long ples klia. Na ol papamama bilong yu i no laikim yu long maritim em. Yu tu i tingting planti long wanem, yu tok meri i bin gat ol narapela boipren na nogut bebi i no bilong yu.

Pren, mipela i laik helpim yu wantaim sampela ol samting we i wokim long kontribiut long hevi yu gat long en na dispela bai opim moa tingting bilong yu long hevi yu gat long en.

Pastaim, yu no tokim mipela long yu na gelpren o sapos yutupela em ol sumatin o yupela i woklain.

Pren, yu stap long haus bilong papamama, tasol mipela i bilip olsem yu no bisi long ol na yu wokim ol samting i no gutpela olsem raun dring spak wantaim, raun go long ol naiklab, papamama i no save na yu kisim gelpren i go insait long haus, yu no luksave long famili bilong yu nay u no toksave long ol samting yu wokim long en, famili bilong yu i bin mas toktok long yu long lusim sampela ol pasin na samting yu mekim tasol yu no harim tok na planti taim yu stap wantaim ol narapela lain, na i no wantaim famili.

Dispela em ol sampela samting i bin kontribiut long hevi yu na gelpren bilong yu i gat long em.

Pren, em i no leit long stretim yu yet na senisim laip i go bek long gutpela mak. Long mekim dispela, yum as pastaim luksave olsem ol samting yu wokim pastaim i no stret. Yu mas gat daunpasin na painim taim long tok sori long famili bilong yu, na sindaun insait long famili bai stret.

Yu ken tokim gelpren bilong yu i wokim wankain wantaim famili bilong yu. Taim ol papamama long tupela sait wantaim i akseptim o tok orait long tok sori bilong yu, yupela i mas painim rot

long kisim tupela sait i kam wantaim na yutupela i ken autim tok sori bilong yutupela long wankain taim. Tok sori tru long lewa na i no long maus tasol.

Givim inap taim long ol papamama i toktok bikos sindaun na kamapim gutpela toktok bai kamapim gutpela kaikai.

Papamama bilong yu i makim wanpela meri pinis long ples long yu i maritim, tasol dispela em bikos long samting yu bin wokim long en. Mipela i laikim yutupela na ol papamama bilong yupela olsem pikinini i kamap pinis na i laikim man long laikim na lukautim. I moabeta long yu sindaun wantaim papamama bilong yu na tokim ol olsme yu gat lain long gelpren n a bebi em i gat pinis.

Pren, Laipain i no bilip long brukim marit o prenpasin, tasol long bildim ol. Na em bai wok gut sapos yu yet i mekim samting na wok strong long bildim dispela. Jisas i bin wanpela bilda i bildim ol samting na tu, em bin bagarapim wok bilong satan na go het long bildim planti gutpela samting wantaim yumi long dispela graun. Em i salim Holi Spirit bilong em long stap wantaim ol dispela i laikim em na em i strongim yumi long kamapim gut ol marit na prenpasin laip bilong yumi na mipela i bilip olsem sapos yumi laik, em bai wok.

Yumi olgeta i save mekim asua tasol bai yu lainim olsem taim yu gat ol sikret na wokim samting wantaim nogat stia bilong papamama bai kamapim ol samting i no stret. I moabeta yu painim ol gutpela poroman husat bai helpim yu sapos yu long stretim pasin yu gat i no gutpela. I moabeta yu joinim wanpela sios yut grup o wanpela grup we i sapotim gutpela n a helti pasin. Yu mas kisim helpim na gutpela stia long ol papamama na ol lotu lain olsem pasto na pater.

I moabeta yu ritim buk bilong Job, sapta 33 Ves 26-30.

Pren bilong yu, Laipain.

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

Ramu Sugar redi nau Nu Ailan kisim

NAMBA WAN Suga bilong PNG, Ramu Suga i nau redi long mekim nupela suga bihain long ol i katim pinis ol suga ken.

Ramu Agri Industries Ltd (RAIL) i laitim paia long ol Suga Fektri long makim stat bilong katim ol suga ken, na mekim suga bilong salim.

Olgeta yia, ol wokman i save mekim paia long ol boila, na hap aste ol i laitim paia long statim wok prodaksen bilong suga long yia 2012.

Bosman bilong Teknikel

Sevis, Tom Hare, i tok tenkyu long olgeta wok manmeri long wok bung wantaim long larim ol boila na samting bilong fektri i redi long statim gen prodaksen bilong dispela yia.

Jeneral Menisa bilong RAIL, Jamie Graham, i amamas na laitim wanpela boila na tok; "Hat wok bilong yumi olgeta i makim dispela gut de, we yumi olgeta i amamas long redi long mekim suga long sevim kantri."

Graham i tok tenkyu long Buti Sakama, husat i bin

wok 30-pela yia olgeta wantaim Ramu Suga.

Buti i bin wok long Fektri dipatmen insapim 30-pela yia olega na em bai lusim wok long pinis bilong dispela yia.

Em i bin stat wok long yia 1982, na nau em i Boila Supavaisa tasol em bai lusim wok.

Ramu Suga bai statim prodaksen bilong yia 2012 neks wik Tunde na ol manmeri i mas amamas bikos namba wan suga bilong yupela bai kam gut long yupela.

K19m royalty mani bilong Lihir

Aja Alex Potabe i raitim

NU AILAN Provinsal gavman i kisim K19, 110, 782. 97 milian i kam long Mineral Risos Developmen Kampani (MRDC).

Dispela em i mani bilong Nu Ailan Provinsal Gavman Royalti na ol arapela tras akaun bilong Lihir Gold Maining, we nesenel gavman inap long givim long taim pinis, tasol MRDC i bin holim i stap bihain long ol bot memba bilong MRDC i strong long holim i stap long wanpela tras akaun.

Gavana bilong Nu Ailan, Sir Julius Chan, husat i amamas long kisim dispela mani, i tok gavman bilong en bai sevim K10m long kamapim wanpela nupela benk, yusim K5 milian long mekim nupela rot long Lihir, na sevim sampela long yusim bihain taim.

Wantaim bikpela halivim bilong Praim Minista Peter O'Neill, Menesing Dairekta bilong MRDC, Augustine

Mano, i aste givimaut dispela mani long Nu Ailan Gavana, Sir Julius Chan, taim Memba bilong Namatanai, na Minista bilong Maining, Byron Chan i lukluk i stap.

"Ol inap long kisim dispela mani long taim pinis, tasol MRDC i bin holim bek long tras akaun bilong ol bikos ol bot memba bilong MRDC i les long givimaut long Niu Ailan Provinsal Gavman.

"Dispela em i mani bilong ol pipel na bipo gavman bilong Somare i asua long holim dispela mani i stap bek. Gavman i bin brukim agrimen em i bin holim wantaim ol papagraun, we em inap long givimaut dispela mani long wan-wan yia.

"Mi laik tok sori stret long ol pipel na gavman bilong Nu Ailan bikos em i tru tru mani bilong yupela aninit long dispela agrimen, tasol ol gavman ejensi i bin holim dispela mani i sta yet.

"Nau mi amamas long

lukim yupela yet i kisim dispela mani," O'Neill i tok.

Sir Julius i bin sainim dispela agrimen long kamapim Lihir Gold projek long yia 1995 taim em i bin stap praim minista.

"Mi bin sainim projek agrimen long 1995. 14-pela yia i go pinis na nau ol pipel bilong mi i kisim dispela mani nau.

"Planti taim ol wokman bilong gavman i save holim ol dispela kain mani bilong pipel. Politikel lidasip em i stap stret, tasol ol wok manmeri bilong ol wan-wan gavman ejensi i save giaman stret long holim bek dispela kain mani.

"Pablik Sevis Bot i bin holim dispela mani aninit long was bilong wanpela tras akaun bilong MRDC, na nau mi amamas long kisim dispela mani wantaim halivim bilong O'Neill na Mano," Sir Julius i tok.



Long taim wokman Buti Sakama i laitim Boila namba 2.

O'Neill sapotim krus sip turisim

PRAIM Minista, Peter O'Neill i amamas na tok welkam long wanpela bikpela turisim krus kampani bilong Australia, Carnival Australia, long kam insait long PNG.

PNG Gavman na Carnival Australia i bung wantaim, na tokaut olsem PNG Pots Koperesen Ltd (PNGPCL) na PNG Turisim Promosen Atoriti (TPA) i bin mekim bikpela hat wok stret long karim dispela kain ol krus i kam insait long kantri wantaim moa turis.

Dispela i minim olsem gavman i nau luksave long turisim bisnis na em i stap redi long halivim turisim bisnis kamap wanpela bikpela bisnis long kantri.

Carnival Australia, husat i gat 7-pela P&O Krus na Prinses Krus sip, i tokautol P&O Krus sip bilong ol bai kam long PNG long mun Oktoba 2013.

O'Neill na Ann Sherry, CEO bilong Carnival Australia, i tok wanpela konsalten kampani bilong Australia, CHART Menesmen Konsalten i bin halvim TPA wantaim 'Krus Sip Developmen Streteji' aninit long Turisim Masta Plen 2007-2017 long larim moa krus sip i kisim ol turism i kam insait long kantri.

PNG em i wanpela gutpela kantri long ol turis i kam long ol



AMAMAS LONG KIRAPIM TURISIM...Praim Minista, Peter O'Neill, i sekan wantaim Ann Sherry Ao, Bosmeri bilong Carnival Krus sip bilong Australia.

krus sip na lukim bikos planti ol arapela turis i kam long Yurop i no save gut long dispela kantri, na tu krus sip tasol i ken kisim ol turis i go long planti ol gutpela hap insait long kantri.

O'Neill i tok: "Gavman na pipel bilong PNG i welkamim P&O krus sip kampani bilong Australia i kam long solwara bilong yumi. Mipela bai larim krus sip i kamap namba wan samting long mekim mani. Bai mipela stretim ol sip bris, rot na arapela samting long

mekim ples kam gut."

P&O Krus i amamas long kam long PNG bikos dispela kantri i gat gutpela samting we ol turis bai amamas long lukim o mekim taim ol i kam long malolo o raun nating long ol duispela kain krus sip.

Long kampim dispela, P&O Krus i no long taim tasol i kamapim 2-pela nupela rot bilong krus sip long kam insait aninit long 2013-2014 progreem. Krus sip 'Pacific Dawn' bai kam

long Milen Be na stop long Alotau, Doini Ailan na Trobriand Ailan.

"Mipela i gat bikpela bilip long PNG olsem wanpela gutpela ples we ol krus sip ken karim ol turism i kam, na sapot bilong gavman long larim dispela i kamap em i soim gutpela pasin long larim ol krus sip i go kam long kantri na groim turisim indastri bilong kantri," Sherry i tok.

"PNG em i wanpela nupela ples we nogat planti ol krus sip i save kam. Tasol dispela kantri i gat ol samting we i nogat long sampela hap bilong wol. Dispela i ken pulim mo aturism i kam insait long kantri bikos ol bai amamas long lukim ol nupela samting olsem gutpela nambis, kain kain pasin tumbuna, sing sing na danis, bus, wara, na enimol na ol arapela samting tu," Sherry i tok.

PNG na Australia em i no longwe. Em i klostu tasol PNG i gat kain kain samting stret long givim long ol turis manmeri i kam long Australia, na dispela ting ting bilong gavman long pulim moa turis i kam ol Krus Sip em i wanpela gutpela samting stret.

"Disisen bilong PNG Gavman long stretim Alotau sip bris na long mekim arapela wok seve long Trobriand Ailan em i wan-

pela gutpela samting long soim sapot bilong gavman kirapim turisim indastri na larim moa krus sip i kam insait long kantri.

"Ting ting bilong mipela em long kamapim Oktoba na Epril 2013-2014 krus sip rot long PNG i kamap wanpela namba wan samting long groim poroman bilong yumi," em i tok.

Sherry i tok Milen Be eria bai kamap biknem ples long ol turis i kam long Australia bikos long gutpela na stailpela ples, strongpela pasin tumbuna bilong ol, na Wol Wa 2 samting tu i stap long hap, we planti ol manmeri bilong Australia bia amamas long lukim.

"Em i gutpela long lukim dispela kain nupela samting long kirapim turisim i nau stap long PNG long larim planti gutpela turisim bisnis kamap na apim namab bilong turis i kam insait long PNG," bosman bilong CHART Menesmen Konsalten, Ted Blamey, i tok.

"Taim yumi larim ol krus sip i kam insait na stretim ol sip bris bilong ol krus sip, PNG bai kisim tru benefit bilong lonmg nesenel ikononi, lokol komyuniti na ol arapela bisnis bikos ol dispela krus sip bai karim ikam ol turis manemri husat i karim mani i kam.

Benk bilong Nu Ailan bai kamap

Aja Alex Potabe i raitim

NU AILAN bai gat wanpela nupela benk bilong en yet, Gavana Sir Julius i tok.

Nem bilong dispela benk bai Benk bilong Nu Ailan (Bank of New Ireland), na em bai halivim ol manmeri bilong Nu Ailan long kisim gutpela benking sevis, senisim laip na kirapim ples.

Sir Julius, husat i bipo praim minista, i tok provinsal gavman bilong Nu Ailan i stretim toktok pinis wantaim Sentral Benk (Bank of PNG), na ol i nau stap long mak bilong kamapim dispela nupela benk klostu taim tasol.

Sir Julius i tokaut long dispela plen long kamapim nupela benk long ai bilong Praim Minista, Peter O'Neill

na Maining Minista, Byron Chan, long Morauta Haus, taim ol i kisim K19.1 milian provinsal gavman royalty mani bilong Lihir Gold Main-ing i kam long MRDC.

Em i tok Sentral Benk i tokim em olsem long kamapim dispela benk, provinsal gavman i mas gat moa long K15 milian.

"Moa manmeri long ples i save hat long kisim dianu

mani long statim ol liklik bis-nis. Long kam kisim dinau mani long ol bikipela benk long Mosbi em i hat. Ol pipel long ples tu i mas gat ol benk klostu long haus doa bilong ol yet.

"Olsem na mipela i laik kamapim dispela nupela benk bilon pipel bilon Nu Ailan. Em i no benk bilong mi, em bilong ol pipel bilong mi long Nu Ailan," Sir

Julius i tok.

Bihain long PNG i kisim indipendens long 1975, Sir Julius i bin stap Fainens Minista, na skelim liklik baset mani bilong nesenel baset bilong kantri na ronim gut kantri.

Em i bin kamapim mani bilong PNG, Kina na Toea, dispela taim, na kantri i mas luksave long dispela wok bi-long en.



Se Julius Chan

PNG i laikim ol ovasis kantri mas peim gutpela mani bilong asples kopi

OL i kolim dispela Fea Tred na dispela i kisim iau bilong Pasifik Ailans Tred na wok-bisnis.

Stori bilong yum ii bungim ol koporetiv na ol viles pipel, husat i laikim ol kopi ol yet i planim long liklik kona bilong ol, we ol i salim i go long ol Rosta na Produsa na bihain gen i go aut long Wol Maket, olsem ol i laik kisim gutpela pe bilong en.

Na watpo i nonap olsem? Bikos liklik mani i kisim i halivim sindaun bilong ol long ples.

Wanpela long ol pipel,

husat i luksave long dispela, em Michael Toliman, wanpela Mobail Ekstensen Opisa wantaim Kopi Indastri Koporesen PNG na tu, wantaim Neknasi Kopi Growas Sosaiti insait long Nawae Distrik long Morobe provins.

Dispela wik em raun long Nu Silan long toktok wantaim ol Kopi Produsa na ol kampani long halivim ol i laikim long Fea Tred. Wok-about bilong en, em Pasifik Ailans Tred na Inves, i lukautim, bai kisim em i kam long Australia long wik i kam.



SAVE LONG OL SENIS: Ol lain bilong Sauten Rijen i bin sindaun long Inkoporetet Lend Rejistresen woksop.

Poto: Lens na Fisikel Plening Ministri opis

DIPATMEN bilong Lens wantaim Kastomeri Len Rejistresen (CLRC) na Civil Rejistri opis i wok long karimaut ol rijinel woksop long ol senis ol bin wokim long 2009 long ol Inkoporetet Len Grup (ILG) na Volunteri Kastomeri Len Rejistresen (VCLR).

Sauten rijen i bin holim woksop bilong em long las mun we i bin lukim 50 pipel i bin kam long Westen, Galp, Sentrel, Noten na Milen Be provins i sindaun long woksop.

Long dispela woksop, ol lain i wok long kisim save long ol senis ol i mekim long nupela loa, na wok bilong ol long go hetim ol nupela loa we i bin stat long Mas 1, 2012.

As long kamapim ol senis long tupela loa em long strongim ol kastomeri papagraun na ol i ken go

insait long ol wok bisnis i kmap long graun bilong ol. Na ol i ken wokikim dispela taim ol i bungim wantaim olgeta kastomeri len grup na kisim luksave olsem wanpela ligel grup. Na tu, long larim ol papagraun i ranim ol bisnis bilong ol long ol kastomeri graun bilong ol yet.

Ol bin tokim ol lain long woksop olsem ol i gat bikipela wok aninit long nupela rejistresen sistem.

Minista bilong Lens na Fisikel Plening, Lukas Dekena, i bin autim tok amamas long pastaim minister, Se Puka Temu, long statim Len Rifom Program long 2005.

Long las wik, ol opisa bilong Lens Dipatmen, CLRC, Mejistirieli Sevis na Sivil Rejistri opis i bin pinisim wanpela wik rijinel woksop long Kokopo, Is Nu Briten provins.

BOOK NOW!

2012 HOLY LAND tours

FROM K9725*

PER PERSON
TWIN SHARE
MINIMUM
GROUP
NUMBER-20

VISIT 2 UNFORGETTABLE DESTINATIONS ISRAEL & JORDAN

13 NIGHTS / 14 DAYS



***INCLUSIONS:**

Return airfares Port Moresby ~Jordan via Singapore & Colombo, 3 star hotel accommodation, return airport transfers, meals where specified, all tours, coach transportation & fees, English speaking guide, Visa fees & border taxes for Jordan & Israel, airline taxes & surcharges.

MORE NIGHTS, MORE ATTRACTIONS, GREAT VALUE!

> The Sea of Galilee > Nazareth > Garden of Gethsemane > Bethlehem > Jerusalem > Masada
 > Qumran > The Dead Sea > The Jordan River > The Wailing Wall > Garden Tomb > Jordan River

2012 Departure Dates: Ex-POM: 12 July / 9 August / 15 September / 18 October / 15 November

Call toll free on **180 3444** or contact your nearest
Air Niugini Travel Centre or Travel Agent to secure your 'Holy Land' package!

*NB: Price subject to change depending on group size and flight/tour availability. Terms and Conditions apply.





GLASIM RAMU NICO PROJEK



Wanpela Ramu NiCo, Wanpela Komyuniti

Ramu NiCo I wok hat long lukautim bus, graun na wara

RAMU NiCo i yusim wanpela nesenel konsalten long helpim na stretim wok bilong en long sait long lukautim bus, graun, wara na solwara.

Em i yusim sevis bilong Ninkama Yoba na Asosiets long stretim gen 6-pela wara mita stesen long ol eria klostu long Kurumbukari (KBK) Main na tu long Basamuk Rifaineri.

Dispela ol eria i stap long Usino-Bundi na Rai Kos distrik long Madang provins.

Bikpela wok bilong ol dispela wara mita stesen em long rekotim o kisim mak bilong wara i ron na tu kwaliti bilong wara we i ron kamaut. Ol i kamapim ol dispela wara mita stesen tu long glasim na sekim gut wanem hap ples wara i kamaut long en.

Namel long dispela 6-pela wara-mita stesen long Ramu NiCo Projek, 4-pela em ol i putim klostu long Kurumbukari Main long Banap wara, Anangri, Banu wara na bikpela Ramu Riva long Sepu long kisim rekot bilong ol wara i ron i go aut na glasim wantaim Kurumbukari Main. Narapela tupela wara-mita stesen em ol i putim long Gagaiyo Riva klostu long KBK yet na narapela em ol i putim klostu long Basamuk Rifaineri, na tupela em long kisim rekot bilong wanem hap wara i kamaut long en.

Hailans Pasifik Limited (HPL) i bin wokim kamap 6-pela wara-mita stesen long Novemba 2006 taim ol i karimaut beslain sevei bilong Ramu Projek. Tasol long taim bilong wok bilong en, ol dispela wara-mita stesen i bungim planti hevi olsem ol lain long ples i brukim na stilim ol samting na tu ol masin ino ron gut na i no kisim gutpela rekot.

Olsem na long dispela as tasol, stat long Mas 23 i go Epril 4, 2012 Ramu NiCo i kamap gen wantaim tinging long wokim gen tupela wara-mita stesen program bilong en. Wankain beslain wok samting em ol i yusim long wokim na kamapim gen ol wara-mita stesen.

Ol Helt, Sefti na Envairement (HSE) Dipatmen wokman meri bilong Ramu NiCo i helpim konsalten i putim sampela ol masin we i gat karamapim bilong en long kisim ol rekot bilong wara level, na tu i gat ol karamap bilong dispela ol masin tu i stap long wan wan ol wara-mita stesen ol i wokim pinis. Dispela bai stap olsem sekuriti na daunim pasin bilong stilim ol masin i stap long hap.

Narapela wok dispela konsalten Ninkama Yoba en Asosiet i kamapim em long kisim rekot na kwaliti bilong wara long ol riva o liklik wara olsem Banu krik, Anangri krik, Banap na Gagayo riva.

Bikpela as-tingting bilong Strim Profailing em long kamapim ol ples long sekim gut wanem hevi i ken kamap long kwaliti bilong wara sapos wok maining i kamap long eria. Em bai kisim tu kwaliti bilong wara i go aut pastaim tru na long bihain na tu wanem ol wara nogut i kamaut long main na hamas wara i go aut.

Ol HSE wokman meri bilong Ramu NiCo husat i wok klostu wantaim Ninkama Yoba na Asosiets long wokim kamap gen ol wara-mita stesen em Aaron Yulong, Dickson Yoga na Jennifer Goari na man HSE, Johnson Chen i lukautim ol wok lain bilong em long karimaut sevei wok.

Gutpela wok long wokim kamap gen ol wara-mita stesen i kos moa long K190,000.

Bihain long ol wok lain i helpim long putim kamap gen ol wara-mita stesen, ol i bin kisim trening tu long stretim na lukautim gut ol haidrolojikol stesen.

Dispela ol wok bilong kamapim bek gen ol wara-mita stesen now i min olsem moa gutpela rekot bai stap long ol wok lain bilong Ramu NiCo long luksave long wanem wok long mekim insait long operesen bilong Projek na display bai helivim Kampani long lukautim ol bus, graun na wara.

Moa long en tu ol lokal papagraun tu i kisim wok long lukautim dispela ol wara-mita stesen na i kamapim gutpela wok bung we i bihainim bikpela het-tok bilong Ramu NiCo em "Wanpela Ramu NiCo, Wanpela Komyuniti".

Em bikpela as-tingting bilong Ramu NiCo tu long menesin, sevim na lukautim gut bus, graun na solwara insait long wok operesen bilong en.



Mista Ninkama i wok long stretim wara-mita stesen



Mista Ninkama wok i stap na ol arapela i lukluk.



Wok long wara-mita stesen



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

**Wanpela
Ramu NiCo,
Wanpela
Komyuniti**



RAUSIM EM: Winga bilong ol Eagles i traim long putim trai long kona tasol ol Isapea i strong tumas na i karim em i go autsait long trai lain, long Digicel kap raun 5 gem bilong ol las wik Sande long Mosbi. *POTO: Andrew Molen.*



KILIA: Raymond Haoda bilong Isapea i traim long abrusim birua bilong em bilong Eagles long Digicel kap raun 5 gem bilong ol long Mosbi las wik Sande. *POTO: Andrew Molen.*



HELPIM: Jenerel Menesa bilong OTML long gavman na ekstenol rilesens, Musje Werror, i givim K10, 000 sek i go long Tapas Changol bilong Tabubil Soccer Association long Epril 17 olsem sponsasip bilong kampani long ol. Soka i wok long kamap strong long hap. *POTO i kam long OTML*



KALAP: Gol kipa (GK) bilong Johnstons i traim long pasim birua bilong em bilong Flame long Divisen 6 gren fainol gem bilong ol las wik Sande long Mosbi. Flame i win 17-12. *POTO: Andrew Molen.*



PUTIM HAN: Wapela Gagsy na wapela ECS pilaia i kalap long kisim bal long divisen 7 gren fainol gem bilong ol long netbol resis bilong ol praivet kampani long las wik Sande long Mosbi. *POTO: Andrew Molen.*

Resis long bus



NAMEL long olgeta resis bilong kar, i gat wanpela we i save givim bikpela salens tru long ol draiva na tim bilong ol.

Dispela em "Rally" (reli) resis we ol kar i save resis long wanpela ples i go long narapela, bihainim ol bus rot, wara na maunten wantaim.

Ol rot we ol dispela kar i save resis bihainim, em i ol pablik na praivet rot we ol arapela kar na manmeri no save bihainim long taim bilong dispela pilai kam.

Rot bilong ol em i stap long narapela hap na planti taim ol i mas brukim bus long kamap long dispela ol rot.

Long ol arapela kar resis, ol kar i save raunim wanpela hap tasol i nap wanpela i win, tasol long reli, ol kar i save resis long wanpela ples i go kamap long narapela. Sampela taim, ol i save go pinis long wanpela ples na bihainim statim long hap gen na pinis long narapela hap gen.

I save gat tupela draiva insait long wanwan kar, taim wanpela i draiv bai narapela i malolo na helpim long painim rot bilong ol long go.

Ol kar bilong ol tu i no olsem ol arapela resis kar we ol i mekim bilong ron antap long gutpela rot.

Ol Reli kar em ol i mekim ol long ron long kain kain rot insait long bus olsem na ol bodi, enjin na arapela hap long skin bilong ol tu i strong na i gat planti ol samting bilong helpim ol draiva i painim rot insait long bus na tu ron longpela rot wantaim planti bensin.

Histri bilong gem

Stat bilong reli resis i go bek long 1894 long Paris long Frens we ol kar olsem dispela ol hos i save pulim bipo, i save ron. Dispela resis i pulim planti manmeri long go lukim na sapot na wanpela niuspepa long hap ol i kolim "Le Petit Journal," i sponsaim.

Bihain long dispela, ol arapela resis i kamap we i lukim ol kar i resis long rot long wanpela siti go long narapela siti insait long Frens na arapela hap long Yurop tu.

Long dispela ol resis, ol i kamapim planti ol arapela samting long sait bilong stail na loa bilong pilai we i stap insait long ol gem i kamap bihain na nau tu.

Namba wan bikpela reli resis tru em "Paris-Bordeaux-Paris" resis we i kamap long Jun 1895 na man i winim em Paul Koechlin husat i draivim Peugeot (Pejoh) kar.

Reli resis i go bikpela moa long ol yia i kam na bipo long wol woa, em i bikpela long Amerika tu.

Ol nupela kar i kamap na save na stail bilong draiv tu i go bikpela moa.

Bipo tu, ol i save draivim ol liklik kar tasol insait long dispela resis, tasol nau, i gat reli resis tu bilong ol bikpela kar na moto-baik tu (wilwil).

Dispela resis i save kamap long ol bus rot we i nogat kolta, i pulap long ston, wara, graun malu malu na ais tu.

Em i wanpela gem we i save givim bikpela salens long ol draiva stret.

Stail bilong pilai

Long stap insait long wanpela reli resis, yu mas gat wanpela gutpela kar bilong ron long kain ol rot na ples na gutpela tim long givim sapot na helpim yu.

Ol reli kar i mas strongpela moa long ol arapela resis kar na bodi bilong ol tu i mas

stap antap liklik long graun bilong wanem ol bai no inap ron long gutpela rot.

Insait long ol kar i mas i gat ol strongpela ain olsem ol arapela resis kar, long helpim kar i tanim i go sindaun gut sapos em i kapsait.

Na tu, bai draiva i noken kisim bagarap. I mas i gat planti wara, bensin, kaikai na redio bilong toktok i go kam wantaim draiva na tim bilong em.

Longpela bilong wanwan resis i bihainim wanem ol ples ol bai ron i go long en.

Wanpela bikpela resis long Saut Amerika, ol i save ron inap 9, 500km long Buenos Aires i go long Lima na tanim i go bek gen. Sapos, ples i longwe tumas, ol i save givim mak we wanwan kar i mas i go kamap long en bipo long san i go daun.

Taim ol i kamap long hap, ol bai kilim kar na silip inap moning bipo ol i ken kirap na ron i go ken long narapela mak.

Ol bai mekim olsem inap ol i kamap long ples ol i makim insait long resis.

Sampela i no longwe tumas olsem tasol rot i ken hat moa.

Reli long PNG

Reli resis em i no nupela long Papua Niugini.

Em i bin stap bipo, we i save lukim ol kar i resis long Hiritano na Magi haiwe, na sampela taim ol i save go antap long Sogeri tu.

Dispela spot i kamap strong long stat bilong 1980's na 1990's tasol em i dai nating long namel.


Em i ken kamap gen tasol wok bilong mekim ol kain resis kar i save kos bikpela mani tru.

Long ronim kain resis tu bai kos bikpela mani olsem na i mas i gat planti sponsa i stap.

Em i no hat long painim ples bilong resis bilong wanem PNG gat planti ol haiwe na rot i stap long ol provins na rurel ples we ol kar i ken i go resis long en.

Ol draiva bai lainim long draiv long kain ol rot nogut olsem na tu long lukautim ol yet long rot taim ol i spit i go kam.

Wanem ol ples dispela resis i go kamap long en tu bai kisim luksave na sampela kain helpim i ken i go long ol tu.



RELI KAR: Wanwan hap bilong wanpela reli kar.



SIT BILONG DRAIVA: Insait bilong wanpela reli kar.



KIRAPIM DAS: Wanpela reli kar i tanim kona insait long resis.



ROT NOGUT: Resis i save kisim ol draiva i go long kain kain rot.



SPOTS DRO RAUN 11

FRAIDE GEMS: ME 18, 2012

Leichardt Oval



W/Tigers V^s Warriors



SARERE GEMS: ME 19, 2012



Dairy Farmers Stadium

Cowboys V^s Panthers



SANDE GEMS: ME 20, 2012

Brookvale Oval



Sea Eagles V^s Roosters



Win Jubilee Oval



Dragons V^s Rabbitohs



MANDE GEM: ME 21, 2012

ANZ Stadium



Bulldogs V^s Sharks



Bai: Broncos, Raiders, Storm, Knights, Titans, Eels

Raun 10 Poin Leda

Pos	Tim	W	L	D	B	+/-	Pts
1.	Storm	9	1	0	0	175	18
2.	Broncos	7	3	0	0	76	14
3.	Sharks	7	3	0	0	33	14
4.	Cowboys	6	4	0	0	84	12
5.	Sea Eagles	6	4	0	0	15	12
6.	Rabbitohs	6	4	0	1	-11	12
7.	Bulldogs	5	5	0	0	49	10
8.	Warriors	5	5	0	0	-4	10
9.	W/ Tigers	4	5	0	1	-14	10
10.	Dragons	4	5	0	0	-23	10
11.	Roosters	5	5	0	0	-52	10
12.	Knights	4	5	0	1	-19	8
13.	Raiders	4	6	0	0	-27	8
14.	Titans	3	7	0	0	-52	6
15.	Panthers	3	7	0	0	-87	6
16.	Eels	1	8	0	0	-143	2



PILAI: Carney (lephan) na Pearce i amamas long pilai wantaim long wanpela tim gen.

Carney na Pearce bung gen

TUPELA man husat i ken go pas long helpim ol Blues i kirapim paia bilong ol gen insait long Stet ov Orijin em hap bek, Mitchell Pearce na faiv eit, Todd Carney.

Laspela taim tupela i pilai wantaim em taim Carney bin pilai wantaim ol Roosters long 2010 we gutpela wok-bung bilong ol i kisim ol Roosters i go insait long gren fainol.

Long 2011 Carney i gat sampela hevi na i no pilai gut tumas wantaim ol na long dispela yia em i go pilai wantaim ol Sharks we em i stap gut na i no mekim wanpela asua insait o autsait long pilai graun.

Tasol tupela i stap yet olsem ol gutpela poro na bihain long ol i tokaut long nem bilong ol pilaia bilong Blues

skwat, Pearce em namba wan man long ring na amamasim Carney husat bai pilai bilong Blues namba wan taim tru nau.

“Pearcey ringim mi na em i amamas tru.

“Mi amamas olsem mi tupela bai bung na pilai wantaim gen na em bai gutpela sapos mipela i ken kamapim sampela gutpela samting bilong ol Blues,” Carney i tok.

“Dispela em wanpela samting mi laik mekim dispela yia na mi amamas tru long ol i kisim mi.

“Bihain bai mi ken sindaun wantaim ol famili na poroman bilong mi na tingting bek long dispela,” em i tok.

Carney i tok amamas tu long ol Sharks husat i lukautim na helpim em gut.

Em i bin stap insait long Kangaroos skwat long 2010 na i bin gat bikipela bilip long go insait long Stet ov Orijin dispela yia.

“Nau mi amamas long dispela na mi bai wokhat long lusim em i stap olsem,” Carney i tok.

Ol Blues i wok amamas tu long tokaut long nem bilong Glenn Stewart insait long skwat bihain long kot i no painim em i asua long mekim wanpela hai takol las wik.

Long wankain taim, ol i putim nem bilong Michael Jennings long senta na i wet tasol long lukim sapos em bai orait hariap long bagarap bilong em bipo long gem i kamap long Me 23, long wik i kam.

Blues skwat em: 1. Brett

Stewart (Manly Sea Eagles), 2. Akuila Uate (Newcastle Knights), 3. Michael Jennings (Penrith Panthers), 4. Josh Morris (Canterbury Bulldogs), 5. Jarryd Hayne (Parramatta Eels), 6. Todd Carney (Cronulla Sharks), 7. Mitchell Pearce (Sydney Roosters), 8. James Tamou (North Queensland), 9. Robbie Farah (Wests Tigers), 10. Paul Gallen (Cronulla Sharks), 11. Luke Lewis (Penrith Panthers), 12. Glenn Stewart (Manly Sea Eagles), 13. Greg Bird (Gold Coast Titans), 14. Tony Williams (Manly Sea Eagles), 15. Ben Creagh (St George Illawarra Dragons), 16. Trent Merrin (St George Illawarra Dragons), 17. Jamie Buhrer (Manly Sea Eagles),

Toovey askim long Watmough

MANLY kosa, Geoff Toovey na tim bilong em i laik save long wanem as na ol selekta i no kisim fowet bilong ol, Anthony Watmough long Blues skwat bilong wik i kam.

Toovey i tok, Watmough i stap long gutpela fom na long las tupela yia, em i wok long stap insait long Blues na Kangaroos skwat na nau em i kirap nogut long ol i no kisim em.

Blues kosa, Ricky Stuart i tok long Sande nait bihain long em i tokaut long tim olsem em i makim Ben Creagh long kisim ples bilong Watmough bilong wanem em i bagarapim sholda bilong em las wik taim ol i winim Broncos na dispela bai mekim em i no inap trening gut wantaim tim bilong gem long wik i kam.

Toovey i tok, em i tru, Watmough i gat bagarap tasol ol dokta i sekim em pinis na em i bai trening liklik tasol inap em i ken mekim olgeta samting gen.

Em i tok Watmough i trening liklik wantaim was bilong ol dokta tasol em i gat bilip olsem em bai redi long pilai gen dispela Sande.

“I nogat man long klap i tok olsem em bai no inap pilai tasol mi ken tok olsem dispela i no laspela taim bilong em long stap insait long Blues tim,” Toovey i tok.



KAM BEK: Tate i kisim ples bilong Yow Yeh.

Maroons singautim Tate

LASPELA taim Brent Tate i pilai bilong ol Maroons em long 2008.

Nau ol i singautim em i go bek long skwat long kisim ples bilong Jharal Yow Yeh long wing bilong ol Maroons.

Yow Yeh i bagarapim skru bilong fut bilong em long Mas na bai no inap pilai gen dispela yia.

Tate i stap long gutpela fom long 2011 na tu long namba wan hap bilong 2012 na bai givim moa strong long Maroons long wing.

Maroons bilip long win gen...

i kam long bek pes

“Planti long ol mangi bin pilai long hia pinis.

“Thurston na Cooper i bin pilai wantaim olsem long bipo pinis taim Cooper i kam insait olsem intasenis pilaia, Locky i no stap wantaim mipela nau tasol ol mangi pilai wantaim bipo na mi save ol bai nap long karim tim i go ken,” Harrison i tok.

Em i tok amamas tu olsem Cameron Smith i kamap kepten bilong ol na bilip em i rait man long go pas long tim.

“Planti ol arapela pilaia tu i lida long wanwan klap bilong ol olsem na mipela i no sot long ol man husat i ken go pas long tim long kain bikipela pilai olsem,” Harrison i tok.

Fowet, Mathew Scott i tok ol stat long pilim olsem Lockyer i no stap wantaim ol long tim moa tasol em i gat bilip yet olsem ol i ken win ol yet.

Las yia i bin laspela taim bilong Lockyer long pilai na ol i salim em i go wantaim gutpela win.

Dispela yia em bai laspela taim bilong prop fowet, Petero Civoniceva, na ol i gat tingting long salim em tu i go aut long gem olsem ol i mekim long Lockyer long 2011.

Civoniceva i bin kam insait long tim namba wan taim tru long 2001 taim ol i winim ol Blues 2-1 na i stap olsem wanpela

bikipela na strongpela pilaia bilong ol long olgeta Stet ov Orijin gem bilong ol inap long nau.

Scott i tok amamas long lukim Civoniceva i stap insait long tim gen tasol i tok ol i gat bikipela wok long pasim ol Blues fowet tu olsem Paul Gallen, James Tamou na Tony Williams.

“Em bai bikipela wok tasol mipela i redi long bungim dispela salens,” em i tok.

Maroons skwat em: 1. Billy Slater (Melbourne Storm), 2. Darius Boyd (Newcastle Knights), 3. Greg Inglis (South Sydney Rabbitohs), 4. Justin Hodges (Brisbane Broncos), 5. Brent Tate (North Queensland Cowboys), 6. Johnathan Thurston (North Queensland Cowboys), 7. Cooper Cronk (Melbourne Storm), 8. Matt Scott (North Queensland Cowboys), 9. Cameron Smith (Melbourne Storm), 10. Petero Civoniceva (Brisbane Broncos), 11. Nate Myles (Gold Coast Titans), 12. Sam Thaiday (Brisbane Broncos), 13. Ashley Harrison (Gold Coast Titans), 14. Matt Gillett (Brisbane Broncos), 15. David Taylor (South Sydney Rabbitohs), 16. Ben Hannant (Brisbane Broncos), 17. David Shillington (Canberra Raiders), 18. Daly Cherry-Evans (Manly Sea Eagles).



KALAP: Boino i mas ron aninit long 50 sekens long go insait long Olimpiks.

Boino mas ron aninit long 50 sekens

LONG go makim Papua Niugini insait long Olimpik Gems dispela yia, Mowen Boino i mas ron wanpela seken spit moa long mak bilong em long hedols resis.

Em i putim 50.60 sekens long Australian nesenel sempionsip las mun na nau em i traime moa salens long UK na Yurop.

Boino i mas ron aninit long 50 sekens mak long winim ples insait long Olimpiks na dispela mak em i putim long Australia i givim em strong olsem em inap long putim mak ol i askim long en.

Em i kamap long Manchester (Manchester) long Inglen long Tunde dispela wik we em bai stap na trening na go pilai.

“Mowen bai stap long hap inap ol arapela memba bilong PNG tim i go bungim long Jun 10,” Presiden bilong Etletiks PNG, Tony Green i tok.

“Ol bai stap trening long hia na i go long ol arapela ples long pilai,” em i tok.

Namba wan resis bilong Boino bai kamap dispela Sande long Loughborough Yunivesiti na bihain bai long

Bedford long Jun 10.

Green i tok Boino i mas raun i go long Yurop long painim gutpela salens insait long 400m hedols we em i save ron insait long en.

Em i tok tu olsem ol lain long UK i wok long helpim em tu long kamapim wanpela program bilong Mowen long resis we bai helpim wok redi bilong em.

Sapos em i go insait, dispela bai namba 4 Olimpik Gems bilong Boino na bai givim em planti eksperiens tru long planti ol arapela etlit.

PM laikim PNG go insait long Queensland lig

PRAIM Minista, Peter O'Neill i givim sapot bilong em long putim wanpela Papua Niugini tim insait long Queensland kap ragbi lig (QRL) resis long 2013.

Em i wanbel long astingting long putim wanpela PNG tim insait long dispela kompetisen we i stap namba tu long NRL resis bilong Australia.

Planti ol tim long hap i save stap olsem namba tu bilong ol NRL klap we ol i save kam daun long kisim ol pilaia.

Long wanpela bung long Community Benefit Fund, O'Neill i tok long givim K1.5 milien long sapotim dispela astingting.

Sapos em i kamap gut na i winim tok orait, dispela bai lukim wanpela PNG tim i stap insait long Queensland kap resis long

2013.

Laspela taim wanpela tim i bin stap insait long dispela resis em long 1997 wantaim ol Port Moresby Vipers.

O'Neill i tok Queensland kap i gat bikipela respek bilong ol arapela kompetisen na kantri tu na mak bilong pilai long hap tu i antap stret.

“Sapot PNG pilai long dispela kompetisen, em bai apim mak bilong ragbi lig long PNG i go antap 10-pela mak moa na tu em bai kamapim wanpela rot bilong ol yut olgeta hap long PNG insait long nesenel junia ragbi lig skul developmen program bilong yumi,” em i tok.

“Dispela i gat sans tu long kamapim bikipela senis insait long yut spots long PNG,” O'Neill i tok.

CEO bilong PNG NRL

Bid, Brad Tassell husat i wokbung wantaim QRL long las 10-pela mun, i tok em i bilip ol bai kisim gutpela bekim long hap bilong wanem Praim Minista yet i givim gutpela sapot long wok bilong ol.

Taim mipela i kisim tok orait, mipela bai kisim 40 pilaia long olgeta hap long kantri long kam long wanpela trening kem long Mosbi inap 4-pela wik.

“Bihain long dispela bai mipela i kisim 25 pilaia long stap insait long tim na lukautim ol olsem ol profesenol pilaia stret,” Tassell i tok.

“Mipela bai lukautim kaikai bilong ol na givim trening bilong bodi na tingting bilong ol long lukim ol i ken stap long nam-bawan mak stret long makim kantri bilong ol,” em i tok.

Long wankain taim, Toea Wisil na Nelson Stone i wok long trening strong long Brisbane long stap insait long tupela resis long mun i kam bipo ol i go bungim Boino long Stockport.

Betty Burua tu i wok long trening gut long Carlifornia we em i putim nupela taim bilong em long 24.23 sekens insait long 200 mita resis las wiken.

“Em i bin ron i go insait long win we strong bilong win i bin 2.9mps, tasol dispela i soim gutpela strong bilong Betty,” Green it ok.

Strongpela tingting

PHILIPPE Croizon na Arnaud Chassery em tupela man husat i swim long olgeta bikipela solwara long wol pinis.

Tupela bilong Frens (France), na nau tupela i kamap long PNG long mekim wankain samting.

Tupela bai go insait long

Spots i gat wok yet long HIV AIDS

Andrew Molen i raitim

SPOTS i gat bikipela wok yet long skulim ol manmeri long sik HIV AIDS.

Dispela em wanpela bikipela samting ol i painim aut insait long ripot bilong wok painim aut bilong sik HIV AIDS we i bin kamap long 2009 PNG Gems long NCD.

Wok painim aut i bin kamap long 6, 700 pilaia, ofisol na ol voluntia wokmanmeri bilong 20 provins husat i bin kamap long dispela pilai.

Ol i painim olsem 61 pesen (%) bilong ol lain husat i bin kisim askim insait long dispela wok painim aut, i save gut long hevi bilong sik HIV AIDS.

Namba bilong ol lain husat i save long HAMP ekt i daunblo tru wantaim 33% tasol.

Na planti moa i no save gut long wanem taim em i gutpela long go tes o arapela helpim long save sapos ol i gat sik o nogat.

Planti nogat gutpela save yet long pasin bilong yusim gut kondom o karamap na tu long ol mak bilong bodi we i ken soim olsem sik HIV AIDS i kamap pinis o nogat.

Ol i painim 16 samting we wok i mas kamap yet long lukluk long ol.

Antap long dispela ol samting, ol i tok long 8-pela samting we ol i mas bihainim long helpim ol i daunim ol dispela hevi we ripot i tokaut long en.

Namba wan em long kamapim moa aweanes na skul long sik HIV AIDS long ol komyuniti na ol provins bilong olgeta manmeri long liklik i go bikipela, na tu long olgeta spots manmeri bilong ol.

Olgeta lida bilong ol spots

long wanwan provins i mas kisim trening bilong HIV AIDS bai ol i ken go aut na givim skul long ol arapela manmeri insait long komyuniti na tu long ol wanwan spots grup bilong ol.

Spots em i wanpela bikipela eria we i save bungim planti manmeri wantaim na gavman i makim em olsem wanpela rot bilong kisim toksave bilong sik HIV AIDS i go long moa manmeri.

Tasol bihain long dispela ripot i kamap, ol i lukim olsem planti moa wok i stap yet na wanpela ples bilong kisim moa long dispela skul i go, em long Kokopo taim PNG gems i kamap long hap dispela yia.

Sekreteri Jenerel bilong PNG Spots Federesen na Nesenel Olimpik Komiti (PNGSFNOC), Auvita Rapila, i tok dispela ol samting ol i painim aut insait long ripot bai helpim Spots HIV AIDS Komiti na ol arapela stekholda long painim ol hevi stap we na wok long stretim.

“Em i givim luksave tu long wanem ol arapela senis i ken kamap long ol arapela wok painim aut we bai kamap bihain, olsem long PNG Gems long Kokopo, dispela yia,” em i tok.

Dairekta bilong NACS, Wep Kanawi, i tok kain wok painim aut em i gutpela bilong wanem em bai givim ol moa save long wanem ol hevi stap yet we ol i ken lukluk long en na traime long daunim.

Em i tok amamas tu long ol spots long go pas long kamapim dispela wok na i laik bai moa wok i mas kamap long pinisim dispela hevi.



GIVIM STRONG: Philippe Croizon (lephan) na Arnaud Chassery i karim wanpela lek bilong swim we Chassery i save werim. POTO: Andrew Molen.



Nogat Lockyer nogat wari

Maroons bilip
long win gen



LONG Trinde wik i kam bai namba wan taim bilong ol Maaroons long pilai ol yet bihain long faiv eit na kepten bilong ol, Darren Lockyer, i lusim gem.

Tasol ol i no ting dispela bai mekim ol i lus.

Lok fowet bilong Maroons, Ashley Harrison i tok ol i gat inap ekspiens na planti gutpela pilaia long kisim ples bilong Lockyer long gem dispela yia.

Lockyer i bin pilai 36 gem bilong ol Maroons long taim em i stat long 1998 inap long 2011.

Stat long 2006 i kam inap long 2011, ol Blues i no bin winim wanpela taitol bilong Stet ov Orijin na Lockyer i bin go pas long pait bilong ol Maroons long kamap sempion long dispela taim.

Man husat bai kisim ples bilong Lockyer long faiv eit

nau em bipo wanpilai bilong em, Johnathan Thurston na Cooper Cronk bai pilai long hap bek we Thurston i save pilai bipo.

Cronk i stap insait long Maroons skwat long 2010 yet na i no nupela long Stet ov Orijin.

Long dispela taim em i stap olsem intasen na i pilai 6-pela taim tasol, nau bai em i gat sans long stap namel stret long bikpela pait we i save kamap olgeta yia.

Ol Maroons i bin win 2-1 long 2008 taim Lockyer i gat bagarap long lek bilong em na i no pilai na Harrison i bilip ol i ken win gen olsem.

Em i tok ol bai no inap long painim wanpela kain pilaia olsem Lockyer gen tasol ol i gat planti ekspiens pilaia husat bai nap long strongim tim.

Moa long Pes 30

NOGAT MOA: Lockyer i no stap moa long helpim ol Maroons.

CARPENTERS MOTORS

Introdusim

● Nambawan Expiens ● Hamamas long Kisim ● Tru long Yumi



- ◆ SETIFAIK KILOMITAS
- ◆ 6 PELA MUN FRI SEVIS
- ◆ 6 PELA MUN ENSIN WARANTI
- ◆ SEFTI STIKA INSPEKSEN FRI LONG TAIM YU KISIM KAR (Inspeksen tasol)
- ◆ 10% DISCAUNT LONG OL PARTS NA LEIBA *Kondisens bai aplai
- ◆ OL SAVE TEKNISEN BAI SEVISIM KAR BILONG YU
- ◆ IGAT 20 POINT MEKENIKOL SEK

9.9% FAINANS long ol **DIAMOND CLASS VEHICLES** *Kondisens bai aplai!

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com